

節廬詩文集

竹平鄉先生

黃維瑄



節廬詩文集

心齋





節廬詩文全集目錄表

頁次

封面題端	容奇黃維瑁署	
扉頁題端	昌教黎心齋署	一
總目錄表		二
耆賢賜詠	容奇梁耀明詩	三
耆賢賜詠	水藤何叔惠詩	四
節廬詩草目錄節錄		五—十六
節廬詩餘目錄		十七—十八
節廬文存目錄		十九—二十四
節廬聯文目錄從略		零
節廬詩草	葛岸陳天如題	二十五—一百九十二
節廬詩餘	大良羅冠樵題	一百九十三—二百零三
節廬文存	龍山陳荆鴻題	二百零四—三百一十一
節廬聯文	龍潭梁伯譽題	三百一十二—三百三十二
節廬翰墨		三百三十三—三百四十二
本源有自		三百四十三—三百五十一
俯仰隨緣		三百五十二—三百七十四
自書年記		三百七十五—三百八十七
跋	大良何沛雄撰	三百八十八
封底印文	容奇陳正誠篆	

經綸餘緒到文章

經綸餘緒到文章 叔世如

兄哉頡頏一卷繁花春正馥

似尋常處豈尋常

敬題

竹平吾兄佳著節廬詩文集

梁耀明 辛巳勞夏於赤江





節廬居士見貽

觀自在菩薩聖象賦謝

一念人天體大悲衆生平等沐

恩施尋聲為起三塗若無量光中感

護持

吾宗善士志道親仁會禮經旨推己及人楊枝甘

露和煦如春頂禮 虛空光明無倫

丙子秋節 三寶弟子何宏觀和南



## 節廬詩草目錄節錄

	年次	頁次
尖沙嘴渡海泳游畢全程	一九六零年	二十六
參與邑會組團赴賀馬來西亞吉隆坡順德會館會慶順道訪問星馬泰邑僑	一九六二年	二十六
夜宿大嶼山昂平寶蓮禪寺	一九六三年	二十六
台灣遊、日月潭、梨山賓館、孔子廟	一九六五年	二十六
初渡扶桑於日航機上、鯉峽初春、佛堂長夏、杯渡深秋、鹿頸隆冬	一九六七年	二十七
詠燕、秋雨、	一九六八年	二十七
九日鄉思用溪西雞齊啼韻、己酉除夕	一九六九年	二十七
登杯渡山、南丫島海浴	一九七一年	二十八
胡漢輝永輝鴻輝令堂李太夫人壽慶、馬灣訪何桓二、濠江拜普濟禪院	一九七二年	二十八
與內人吳結縞三十周年家慶、蘭亭花甲二十七度、東方冬泳團春遊	一九七三年	二十八
荔枝角泳場懷舊、癸丑七夕、詠葉落、抵馬尼拉國際機場、夜登碧瑤		二十九
菲島憑弔美軍公墓		三十
回穗市訪姊丈譚叶麟、美國三藩市訪順德行安善堂、步智煌宗丈詠梅	一九七四年	三十
北歸、登肇慶七星岩、登鼎湖山飛水潭、翠亨村瞻仰孫中山先生故居	一九七五年	三十
盧溝橋憑弔、登萬里長城、赴瀋陽途中、步山外山樓主閒放四律錄一		三十一
三藩市訪三邑（南海番禺順德）總會館、檀島威基基海浴、遊東坪洲		三十一
嘉道理農場春遊、長洲宜亭春祭張紉詩、讀郁達夫全集之離亂詩有感	一九七六年	三十二
韓國華克山莊、漢城昌德宮與景福宮、重遊台灣日月潭夜宿涵碧樓		三十二
第三次美加遊途次阿拉斯加共六首、印度、尼泊爾遊共十三首		三十三



讀岑學呂鄉先賢手書佛說阿彌陀經後、題陳丈荆鴻蘊廬詩草重印千冊	一九七六年	三十五
桂林、蘆笛岩、靈渠、長沙遇雪、東湖、長江大橋		三十五
南國重遊六首、家慈年方八六長孫文禮誕生、重登萬佛寺後回稟家慈	一九七七年	三十六
歐洲遊十六首、悼連普英鄉彥、讀黎丈心齋詩詞集後		三十七
家叔惠梁絜貞伉儷書畫展		三十九
檳城順德會館創立百四十周年紀念、森美蘭州芙蓉順德會館	一九七八年	三十九
擴建落成紀念、吡叻太平順德會館新廈落成紀念、星洲順德		三十九
會館創立三十周年紀念、從化溫泉、西樵飛流千尺、宗丈智煌		三十九
招飲涉趣園、爲邑會賀副教育司何雅明鄉彥榮獲 O B E 勳銜		四十
讀陳荆鴻著獨漉堂詩箋後、		四十
第五次美加遊、詩人節在多城、國際父親節與兒孫輩登多城高塔餐廳		四十
荆翁達和與心翁餘菴同往候、檢讀春秋詩社詩詞集後、有懷古公卓崙		四十一
麗精美術學院金禧呈鮑少游院長、悼馬來西亞上議院拿督陳光漢鄉彥		四十一
悼馬來西亞邑僑領馮丈繩伯、孔仲揆哭兄有詩寄示讀後次韻懷之		四十一
周益伯鄉丈七六嶽降次韻奉壽、答星洲歐陽澄鄉丈、涉趣園雅集呈同		四十二
座鄭家鎮先生、沙田萬佛寺開山上人月溪法師百齡明壽、聽曉山房遊		四十二
圓玄學院展重陽雅集、鄉丈湯國華招飲大華園林酒家同席蘇文擢教授		四十三
先君百齡明壽家祭、贈清水灣泳團、應胡漢輝伉儷同乘華麗專舫出海		四十三
上元節赴長洲邑會慶燈同家植發世鐸、鄉大家馮影仙賜讀其尊人遺集	一九七九年	四十三
黃維瑁鄉丈隸書黃晦聞詩便面見賜、趙師少昂畫展於香港中區大會堂		四十四



鹿野苑監院達道上人寫墨梅見貽、九龍塘會所宴李本立偕五邑彥蒞港	一九七九年	四十四
黎丈心齋喪明之痛世講鴻荃醫生遭劫殺、荆鴻丈贈其師幼菊寫蓮花圖		四十四
讀小山草堂詩集後、岑定字以其祖師尚老人詩一首賜贈、關應良畫展		四十五
上水馬會同譚伯羽父子公孫、海珠酒樓應荆翁小敘同劉焜宇伍彞生等		四十五
余曼陶繪鳳城雙塔圖自鄉寄賜、訪九龍山齋梁丈伯譽、丈正在為李兆		四十五
基中學繪畫、第四次美加行七首、西南遊草十六首、悼梁丈伯譽仙逝		四十六
悼鏡宇丈仙逝、馬來西亞重訪吉隆坡順德會館、森美蘭州順德會館		四十九
陳伯祺丈賜讀頴廬詩草、贈女藝人謝雪心、譚伯羽大兄約澄碧邨別業		五十
李丈撫虹師生書畫展、張韶石牡丹畫展、贈宗丈斗燦		五十
周甲書懷、崇文書院校慶、潘文學增自鄉旋港小敘市樓約同鄉丈多人	一九八零年	五十
梁勁予大夫有詩自壽屬和、賀伯祺丈為曾孫彌月、餘菴含飴有詩次賀		五十一
敏公宗丈新翁、贈伍彞生、題吳天任荔莊詩稿、鏗齋丈置酒謝墟招飲		五十二
重陽日和念因秋祭張紉詩、珠江隄畔賦勉諸甥、光孝寺漫遊偕同諸甥		五十二
題萬里尋師圖、鴻社雅集、庚申歲闌置酒鄉會宴集鄉耆賢文友百餘人		五十三
披荆文社辛酉歲首雅集、圓玄學院春節慶燈暨石坊落成、劉春草畫展	一九八一年	五十四
陸無涯法書詠紅梅見贈、五湖遊吟草二十一首、錦山文社第十禩雅集		五十七
霧中渡海、邑會李兆基中學開幕、鴻社百會、訪荔莊山居同關應良		五十八
贈周千秋梁粲纓、拙書陋室銘展於香港藝術館展後蒙收藏、黃河詠		五十八
賀鏗齋金婚、賀李寶瑩獲榮譽獎章、馮丈康侯以拙句篆聯見贈賦謝		五十九
悼歌者張月兒、題辛鵬九寫荷花圖、賀式南宗丈新翁、月宮酒樓餞歲		五十九



楊善深師生書畫展、讀鄒崖詩集後呈謝荔莊、周泮娟南遊畫展賦賀、	一九八二年	六十
梁丈伯譽遺作展、蘇文擢以疊韻廿四偶書見貺、暮春回里得句四首、		六十一
潘友泉索畫因圖便面贈之、題家康德水墨山水、偕內人乘世界巨輪之		六十二
伊利沙伯號橫渡太平洋得句五首、趙世光令彬父子畫展、牛君畫會詩		六十二
書畫展、謝李守文醫生法繪見貺、讀梁隱盒遺著歸夢集後步文擢韻、		六十三
盧聲雁招飲海天酒樓、墨齋以在山堂詩續見貺、題顏小梅寫柳蟬圖、		六十三
嶺南藝苑同門劉文蘭曾德鵬何永祥三人展於臺北、陳伯祺花燭重逢、		六十四
黃丈君璧約集早茗賜雲岩觀瀑圖、第六次美加行七首、潘丈潔夫故國		六十四
勝遊於回星洲前約集午敘、青松觀書畫琴歌雅集、觀塘藝術節雅集、		六十五
趙師少昂以舊藏茅龍二管見賜、題梁姤鄉媛畫、題何迪幹鄉兄法繪		六十六
題余綿生月下美人、題何敏公山水長卷、顏小梅詩書畫篆刻集屬題、	一九八三年	六十七
王丈淑陶杖朝壽慶、林峰童年之作國畫展、同邑多人同遊日本四首、		六十七
陳丈劫餘九秩嵩壽、港九敬老會、題辛鵬九畫、結縞四十周年示內、		六十八
邑會屬校師生暨邑彥書畫展、容丈漱石寫贈丹荔圖、小山居士邀飲、		六十九
第七次美加遊三首、胡漢輝第宅銘園賞桂、過聽曉山房寄懷趙大鈍、		七十
周千秋梁粲纓書畫展於馮平山圖書館、第八次美加行三首、羊城白天		七十
鵝賓館同座梁鏗齋陳秉昌、登六榕寺花塔、張丹大家約集清涼法苑、		七十一
甲子元日、海聲詞社二十周年社慶、羅鶴鳴寫曹子建肖像屬題、	一九八四年	七十二
葵鄉遊喜晤關山月畫師、茶菴謁六祖惠能塑像、登叱石巖賞四字碑、		七十三
宗丈遜翁詩詞曲集讀後、鄭春霆捲簾樓詩草讀後、壽李震歐七一壽、		七十四



題餘菴詩續、何氏六人書畫展、余曼陶鄉丈寫鳳城八景見貽書此寄謝	一九八四年	七十五
梁丈海天八秩壽辰、雷基磐自溫哥華旋港同敘珍寶海鮮舫、劉少蓀黃		七十五
文達合作牡丹紅梅屬題、中秋步顧植槐韻、蓮花山遊同穗垣諸甥孫輩		七十六
中山大學六十周年校慶、先嚴棄養五十年承慈命登寶蓮禪寺禮佛報恩		七十六
重遊臺灣四首、題梅港新聲、羅鶴鳴寫銀礦灣圖爲潘友泉題、歲除詠		七十七
乙丑迎年、題吳千山黃山雪霽圖、余綿生寫十二鴛鴦圖屬題、麥慶展	一九八五年	七十八
寫墨蝦屬題、大洋洲遊八首、母親節、廣普上人騰光上人約集妙香林		七十九
傅靜菴回居穗垣贈別、題盧聲雁文集、瑞蓮圖爲家叔惠題、遊雨花寺		八十
讀鄉先輩岑雯岑光樾喬梓柳廬詩鈔鶴禪集後、香海千歲宴卅周年雅集		八十一
黃鶴樓重建落成、歲暮回里途次中山小欖會宗人仰鎬、惠州西湖羅浮		八十二
番禺沙灣何氏大宗祠重修落成、陳丈幹卿以古本西廂記賜讀、賞硯、	一九八六年	八十三
月宮樓午敘同黎心齋汪孝博高伯雨鄭春霆潘碧泉梁其政許衍董潘小磐		八十四
羅鶴鳴宗曼菴叔惠幼惠、穗港澳九十四名家畫展觀後欸敘食爲先菜館		八十四
南韓東方文化研究院院長宋昌基蒞港同遊南丫島、耀光宗丈八秩壽辰		八十四
美加第十行八首、漆園鄉宗丈遺作展、輓鄉丈周益伯、黎丈心齋新居		八十五
飛龍臺招宴太史羹同座陳丈荆鴻劉丈少旅等、歸里偕內及長男一家、		八十六
丁卯獻歲、輓胡丈景石、胡藻斌遺作展、陳丈荆鴻榮獲英廷榮譽獎章	一九八七年	八十七
順德聯誼總會四十周年會慶邑彥暨各屬校師生書畫展、廣州梅花港詩		八十七
社叢林消夏雅集、林丈復生九秩壽慶、李丈撫虹八秩晉六壽慶、		八十八
秋暮與邑會各屬校校長教師三十八人專程回里參敘慶典觀光共得七首		八十九



訪意蘭畫舍佛洒居士、題余綿生國畫、潘淑俊師生展、題胡仿石國畫	一九八八年	九十
錦山文社春禊十七會、韓穗軒杖朝壽慶、廣東詩詞學會黃施民蒞港鏗		九十一
齋東道招飲鳳城酒家同荆翁夫婦羅忼烈饒選堂等、蘊廬師生書畫展覽		九十一
周日如周千秋昆仲建其先德焯燁幹卿二公紀念館、吳天任書便面見貽		九十二
馬來西亞檳城順德會館百五十年會慶偕內與長孫文禮參加邑會赴賀		九十二
馬來西亞沙巴順德會館六十三周年會慶、迪幹宗兄參加休士頓畫會展		九十三
敬羣宗丈有詩見示次韻奉候、故鄉獅山公園文娛晚會、愉社雅集詠琴		九十四
馬來西亞廣東會館聯合會四十二周年會慶、太乙樓主印近代閩秀書畫		九十四
已已上元次日隔田邨謝廬春酌、歐豪年朱慕蘭伉儷旋港小敘環球菜館	一九八九年	九十四
容奇鄉土風情畫展於香港名家藝術中心、輓姊丈譚叶麟歿於穗垣醫院		九十五
余丈少颿自穗寄示次韻奉答、為顧植槐藏蘇仁山繪畫屬題、愉社雅集		九十五
步黎晉偉韻、小山居士招飲居可新館、又一村花園俱樂部會文友小敘		九十六
鄉彥毛潤添徐丹巫峽張介關宗漢余曼陶等自鳳城來鏗齋招遊聽曉山房		九十六
羅冠樵邢寶莊各繪鍾馗像贈送邑會、美加第十一行九首、沈仲強伉儷		九十六
百齡雙明壽、題鄧芬遺作雙駿圖為潘兆賢、中華孔子學會于行前先生		九十八
自京訪港與荆翁汪宗衍許衍董蘇文擢等會於市樓、陳培略師生書畫展		九十九
黃丈維瑁九秩壽慶、羅冠樵畫展、昌社同人饒歲雅集移樽鑽石酒樓、		九十九
青松觀觀長侯寶垣素酌招邀、悼李撫虹丈仙逝、衰老僕阿桂、詠馬、	一九九零年	九十九
漆園家先生逝世二十周年遺作展、余丈少颿歿於穗垣、潮汕遊共六首		一零零
美加第十二行七首、馮文康侯九秩明壽遺作暨廣雅書學社書法篆刻展		一零一



多倫多中華文化藝術第三屆雅集、贈己故爵紳何東之幼女何艾齡博士	一九九零年	二零三
劉秉衡國畫展、李煥平師生畫展、李福泉師生蘭竹展、龍子鐸國畫展		二零三
中華孔子學會陳崧伉儷應香港孔教學院之邀自京蒞港、公益金百萬行		二零四
為陳乃殷題人間留得十分春、蔡任平鄉丈八秩晉一壽慶、昌社饒歲		二零四
春日回里與邑會同人暨屬校教師一行百七十眾共四首、愉社雅集、	一九九一年	二零五
周千秋伉儷寄示遊南極詩三十首、清明前過鄉大家張丹故居意蘭畫舍		二零五
錦山文社二十周年春禊北潭涌、題譚伯平影集、候李棧丈於廣華醫院		二零六
題潘兆賢采薇樓吟草、印尼遊六首、題餘菴遊草、題麥寶林鳳嶺風光		二零七
陳天如丈八二生朝和答、周朗山先生遺作展於廣州嶺南畫派紀念館、		二零八
五柳書齋陶澐師生展、韋丈魁齋伉儷自三藩市回會於陸羽茶室和答、		二零八
題太乙樓藏劉一菴溪山高士圖、為林樹錚題溥心畬繪松鶴招隱圖、		二零八
鄉丈潘潔夫自星回國經港小住同敘市樓、墨韻琴聲館主伍彝生孔雀展		二零九
香港福建書畫研究會會員作品展、林湖奎國畫展、李福泉水墨蘭竹展		二零九
李丈本立八秩壽慶、為李銳祖題紅船今侶詩書畫社藏冊、賀廣東南社	一九九二年	二零零
研究會在廣州成立、仲春回里過雨花寺、順德詩詞學會成立賦賀、		二零一
順德撤縣建市、全球漢詩詩友聯盟第三屆年會、小明星逝世五十周年		二零一
劉悅笙人物國畫展、臺北網溪詩社顏大豪伉儷七秩雙壽、陳丈伯祺九		二零二
秩壽慶、潘友泉八秩壽慶、馬來西亞霹靂洞主張英傑韻山昆仲書畫展		二零二
陳棠鄉兄伉儷自鄉蒞港為令尊荆翁九秩祝壽、贈關應良、廣州市書法		二零三
家協會李曲齋連登等六人赴日本福岡展覽回程過港展於油尖區文藝會		二零四



臺北中國詩經研究會祝丘文莊海忠介二公生朝徵詩、美加十二行五首	一九九二年	一一四
紐約中華楹聯學會會長潘力生伉儷八秩雙壽、家艾齡博士回港往侯、		一一五
李文雲谷年方八八自穗寄示癸酉賀歲、陳丈荆鴻於元春初六日仙逝、	一九九三年	一一五
梁翁海天自東官旋港茗後同往叩見趙師少昂、周千秋梁粲纓伉儷金婚		一一六
何叔惠德配絜廬夫人繪九秋圖屬題、蔡爾雅自比利時回舉行國畫展覽		一一六
李文格書間坐賜示和答、勒流鎮建敬老康樂中心賦賀、謁黃大仙祠、		一一七
香港中文大學展出順德黎二樵南海謝蘭生書畫觀後、圓玄學院素筵、		一一八
侯容丈漱石於東華東院、廣州書畫研究會成立連登鄉兄榮任首屆院長		一一八
陳丈荆鴻遺著藝文叢稿及海桑憶語題跋、順德市書法家協會賴際雲屬		一一九
李本立綠榕吟草題跋，家叔惠幼惠昆仲書法展，徐悲鴻傳人駱拓畫展		一一九
何敏公移居美洲餞別、重過故里白蓮池、全球漢詩詩友聯盟四屆年會		一二零
鴻社同人重陽雅集值黃經偉來自揚州劉佩蕙歸自舊金山、羅冠樵畫展		一二一
立冬日與邑會同人作第五次南遊得五首、贈司徒乃鏘司徒乃鍾昆仲		一二一
結縞五十周年家慶、歲暮過陳村、餞歲雅集是年雙春閏月與昌社同人		一二二
甲戌賀歲和李雲谷丈韻新雨為龍城鹿苑酒家周末早茗雅敘鏗齋命題	一九九四年	一二二
脂硯齋重評石頭記讀後、應蒼城畫會同人雅集、壽趙師少昂九秩大慶		一二三
順德何氏六人書畫第二屆展覽、澳洲順德聯誼會成立、吳祖蔭師生展		一二三
龍山金紫峰觀音閣十三殿重建落成、訪陳荆鴻龍山故居、過龍江鎮		一二四
偕三兒與孫輩登太平山、清明參拜天壇大佛省先慈與外姑兩靈灰龕		一二四
文擢違和與叔惠幼惠往侯、聞阿刺伯首都朝聖時發生意外大災難哀之		一二五



香港文化中心聽粵曲、又一村前任校長鄭守仁九秋壽慶、蒲節前司徒奇自雲城回穗與黎雄才關山月作春睡三傳人展經港小敘、珠江隄畔白天鵝賓館會諸甥、第十五屆世界盃足球總決賽、美加第十三行八首	一九九四年	一二五
杜祖貽教授招飲中文大學、劉春草畫展於大會堂、題李國明山水長卷		一二六
鏗齋喬梓招飲同饒宗熙羅忼烈陳秉昌等、越秀文藝主編梁儼然索句		一二七
中山市小欖鎮第四屆菊花大會遊共八首有在展區內謁始遷祖何公墓		一二九
伍彝生自加回港展於光華中心、潘潔夫鄉丈歿於星州、陳樹人書畫展		一三零
華僑日報停刊有感、日本西部大地震、乙亥立春日晨步、十二生肖詠	一九九五年	一三一
題溥心畬西山墨妙圖為蘇錫文、又題于右任禮運大同篇、又題楊善深		一三二
春江歸漁圖、岑丈飛龍年方九一寄韻奉答齊白石雙蝦圖觀後呈謝主		一三三
人鍾石泉、題蘊廬鄉丈手書獨漉詩箋、洛杉磯晚芳詩人節雅集		一三四
香江即事為健社雅集並述源流、美國侯斯頓中國美術會會長趙青坪伉		一三五
儷旋港茗後同謁趙師少昂、抗戰勝利五十周年紀念寄順德書法家協會		一三六
羅丈竹坪康復來會午茗即席袖賜五十年前馮康侯治印邊刻和平奠定字		一三七
應鏗齋鄉丈小山社長為索罟灣之會，全球漢詩大會在星洲呈張濟川		一三八
先君棄養六十周年有懷、贈鄉士麥寶林、題譚伯平影集、馮佩紅畫展		一三八
趙世光八秩壽慶，孫中山先生一百三十周年誕辰紀念為健社雅集命題		一三九
訪楊善深寶山山房承賜法書榜聯，羅丈竹坪持贈李研山繪石竹圖便面		一四零
觀余元佳千尺香江圖後、悼鄉丈李曲齋歿於穗市、與賴恬昌歸遊南順		一四零
壽陳泰階丈九秩壽辰、昌社錢歲雅集於鑽石酒樓筵開十席		一四零



丙子元旦試筆、黎文晉偉居頤養院多時迭賜海角心聲步韻寄呈作候	一九九六年	一四一
陳丈荆鴻逝世三周年、鄉丈羅時憲遺書兩篋、仲春夜登林猛醒中心		一四一
湯國華新居華絢草廬落成、老瑞松畫展濠江、十萬山人孫星閣百歲卒		一四二
趙師少昂達和住院、題羅鶴鳴疏篁樓詩詞集、四海詩社社長九秩壽慶		一四二
何耀光宗丈九秩壽慶，愉社二十周年雅集、星洲新聲詩社社長張濟川		一四三
預祝香港回歸、翁祐博士座駕豪華汽艇遨遊出海、李汎萍溫高華畫展		一四三
南雄登梅關、珠璣巷訪宗親、登丹霞山、謁南華寺、馬來西亞霹靂洞		一四四
怡保山城詩社雅集、廣州市城慶、師尚老人令孫岑詒立外遊過港小敘		一四五
馬承寬自美回港畫展、訪候黃丈相華於博愛醫院、題關宗漢詩書畫集		一四七
鄉丈李棧仙逝、林湖奎畫展、美加第十四行七首、憬庸鄉宗丈招飲		一四七
仲冬前二日過大道中意外跌倒、讀林近書畫篆刻集後、賀林聖錦五十年回顧展於加國、賀法國巴黎歐華詩人協會成立、和孔凡章迎春曲		一四八
春衫為健社五百三十四期雅集、李銳祖製竹文玩相贈、新聲詩社社慶	一九九七年	一四九
順德建市五周年慶祝大會、昂平省先慈與外姑靈龕後冬天壇大佛遇雨		一五零
蘇文擢歿於穀雨之日、徐淦先生賜讀其尊人又陵公遺著小閣樓詩集後		一五一
李丈壽堅回居原籍三水多年忽接來書、出席香港特別行政區成立典禮		一五二
七七、六十年前之今日、賀洛城晚芳詩社社長譚明夫榮膺北京中華詩		一五三
詞學會主辦全球性慶祝香港回歸祖國比賽大會季軍、萬國藝專書畫展		一五四
周世聰書畫學院建於原籍紫金縣落成、孔平孫師生印集、傅靜菴逝世		一五五
秋節前回穗喜晤李五湖梁松生梁荔夫等、僑泰詩老王誠重陽雅集見寄		一五五



澳門中華文化藝術協會預祝澳門回歸書畫展、三水森林公園孔廟開幕	一九九七年	一五五
訪李丈壽堅於西南社會福利院、陳公望鄉丈雲桂韻語屬題、青馬大橋		一五六
題李研山臨清溪老人江山臥遊圖為呂樹英鄉士、宋王臺懷古為健社作		一五七
題至樂樓讀書圖長卷為宗丈何耀光、清暉園重修、羅冠樵伉儷金婚		一五八
一九九七年除夕與邑會青年部同人晚會、鄉丈蔡任平八秩晉八壽慶		一五八
虎年有詠、趙師少昂卒戊寅元旦之辰、杜甫生日應多倫多晚晴詩社作	一九九八年	一六零
宗丈何予伉儷花燭重逢大慶、李汝匡學長書畫展覽、唐積聖篆刻展覽		一六零
趙青坪繪山水圖屬題、蒲節前偕內與邑會同人大連遊九首、新四君子		一六一
詠為中國詩經研究會、閏端午、八仙像讚八首為李銳祖所藏八仙圖像		一六四
香港特別行政區成立一周年慶祝大會、新國際機場宗教祈禱室開幕禮		一六五
西藏成都行與孔教學院同人、大良寶林寺重建開光、北京大學百周年		一六六
紀念在港舉行慶祝酒會、追月海上遊同邑會多人乘紫荊號輪船環島		一六七
澳門第一屆國際書畫交流大會、黃節先生學術研討會於大良仙泉酒店		一六九
梁朗秋詞丈逝世、梁其政盟長逝世、法國龍吟詩社十周年社慶寄賀		一七零
韓國碑林公園推進委員會長許由書有兔年元旦漢字東示續句以答之	一九九九年	一七一
海山仙館行將修復梁荔夫鄉丈來函見告屬題寄奉四首、陳天如鄉丈九		一七一
十壽慶、雲南省多種族自治區巍山詠、鄉丈岑滌羣歿於加拿大多倫多		一七二
文房四寶詠、觀鄧爾雅遺作展後、有懷又一村創辦人余公達之等十位		一七三
夏曆四月初八日為佛教慶祝第一公定公眾假期、汨羅懷古為健社作		一七四
詩人節後三日進院割治前列腺病榻中得句四首、美加第十五行十四首		一七五



鄭誦八秩壽慶、鄉宗彥思搗自加回鄉書法展、台灣南投七點六級地震	一九九九年	一七七
南雄珠璣巷何氏大宗祠落成開幕觀禮途次共五首、陳秉昌鄉彥病逝		一七八
澳門主權回歸祖國時維十二月二十日、宗彥厚鐸榮任第一屆行政首長		一七九
喜迎公元二千年，李文本立蒞港會兒孫有暇一會、龍年、春興、祝福	二零零零年	一七九
退閒感言、題薇盒一點靈犀曠代通長卷、題家幼惠楷書千字文長卷		一八零
容奇桂洲兩鎮合併，籌建順德大學萬人行、世界順聯第二屆懇親大會		一八一
李文汎萍逝世，洛城晚芳詩社名譽社長劉鏡如社長譚明夫先後逝世		一八二
湖北省龍舟節大會，國寶在香港拍賣、健社雅集五十周年慶祝大會		一八三
容桂十景、馮康侯百歲明壽書畫篆刻展、世界詩人大會三十周年大會		一八四
與葉哲豪等往護老中心訪侯羅竹坪、悼蘭亭學會會長鄭家鎮先生		一八六
雲泉仙館菊展、羅浮黃龍觀雅集、題葉哲豪仿青溪道人臥遊圖長卷		一八七
黎均全吳仁仁自英回鄉經港同敘、周千秋梁粲纓伉儷齊眉詩書畫集		一八八
陳一豫七五生朝書懷次韻、多倫多晚晴詩社七十周年社慶預祝		一八八
庚辰歲暮呈週三午敘週四午敘週六週日早敘茗座同人、歡送二千年		一八八
辛巳元旦、東坡居士歸真九百年紀念、春日鄉心試以水墨成圖一卷	二零零一年	一八九
花月為健社新春雅集、悼餘菴鄉丈、香港中國美術會雅集圓玄學院		一九零
春色撩人策杖又一村巷口街頭有感、趙大鈍詞文自澳洲旋港同敘市樓		一九零
思親節日、端午、輓何仰鎬、辛亥革命九十周年紀念、晨過九龍塘區		一九一
澳門八景		一九二

節廬詩餘

頁次

倒垂柳	潘餘菴鄉丈岱員遊觀阿美舞歸將豔昵之圖見示並倚此闕索和	一九四
滿江紅	潘學增鄉丈留別香江親朋次韻寄奉	一九四
雨中花慢	過聽曉山房遇雨呈主人梁鏗齋	一九四
柳梢青	錦山春禊步盟長梁其政韻	一九四
少年遊	海聲詞社午敘次劉佩蕙韻又次梁其政韻	一九五
菩薩蠻	荆翁杖朝之慶步韻奉壽	一九五
鷓鴣天	應菲島環球詞苑寄示二題和答	一九五
浣溪沙	仝前	一九六
水龍吟	乙丑歲暮與同邑人遊於博羅道上	一九六
東風第一枝	鏗齋招飲同座多宿學前輩	一九六
齊天樂	風雨故人來	一九六
滿庭芳	題張丹鄉大家寫二十四番花信風圖長卷	一九七
臨江仙	兔年詠兔	一九九
醉花陰	詠菊	一九九
踏莎行	聞雷韓穗軒命題	一九九
木蘭花	菲島環球詞苑紐約四海詩社聯盟之喜	一九九
唐多令	詠茶	一九九
滿庭芳	龍年端午	一九九
浣溪沙	戊辰歲闌李曲齋鄉丈自穗蒞港小敘鄉會同座維瑁丈荆翁等	二零零



湘春夜月	詠舊衣爲愉社雅集課題	二零零
滿庭芳	鏗齋鄉丈美蘭夫人伉儷花燭重逢之喜時維辛未冬月	二零零
燕春臺	步朱丈百崙寄示一日花園韻	二零零
人月圓	壬申中秋夜與內人三兒同坐沙田馬會	二零一
浣溪沙	癸酉秋望偶得	二零一
滿庭芳	爲愉社課題月當頭夜	二零一
鷓鴣天	乙亥增城荔枝節乘興而回有作	二零一
浣溪沙	新塘道上	二零一
風入松	和韻李壽堅丈自三水寄示丙子冷春遣懷乙闕	二零一
風入松	和韻李壽堅丈自三水寄示丙子重陽	二零二
減字木蘭花	戊寅冬至回鄉出席黃節學術研討會和同行黃坤堯韻	二零二
柳梢青	己卯上元次日和李壽堅丈韻	二零二
少年遊	佩蕙詞大家移居美洲多年忽自遠寄示重次其韻奉謝	二零二
減字木蘭花	己卯歲暮黃坤堯賜讀清懷詞稿載及前拙作因重元韻奉謝	二零二
浣溪沙	庚辰仲春陳天如丈時年九十一自澳洲寄示屬和	二零三
西江月	庚辰重三李壽堅丈時年九十七自三水寄示奉答	二零三
臨江仙	讀三國演義卷首載明代楊升庵原作韻	二零三
鳳凰臺上憶吹簫	岑文鄉丈爲主輯二山文韻刊成有作步韻奉答	二零三
憶舊遊	辛巳花朝感作	二零三

## 節廬文存目錄表

	年代	頁次
順德聯誼總會組設之緣起	一九六四	二零五—二零六
余公達之開村建校事畧爲又一村建設有限公司設余公追悼會作	一九六九	二零六—二零七
反暴力運動與提昌孔道爲香港孔聖青年會會刊作	一九七三	二零七—二零八
萬里尋師圖跋	一九八零	二零八—二零九
三藩市順德行安善堂前任主席譚祖鈿牧師八秩壽辰序	一九八一	二零九
五湖遊侶吟草跋	一九八一	二零九—二一零
三山簪學詩淺說跋	一九八一	二一零—二一一
盧清遠國畫展序	一九八一	二一一
劉春草書畫展序	一九八一	二一一—二一二
台山書畫會會員作品展序	一九八二	二一二—二一三
羅鶴鳴寫錦山壬戌春禊圖題記	一九八二	二一三
劉文蘭曾德鵬何永祥國畫聯展序	一九八二	二一三—二一四
順德藝文集引言	一九八三	二一四
何康德國畫展序	一九八三	二一四—二一五
揚州現代詩鈔跋	一九八三	二一五—二一六
梁丈伯譽逝世五周年	一九八四	二一六—二一七
爲九龍塘會冬泳團賀彭志剛醫生榮任香港中文大學講師頌辭	一九八五	二一七—二一八
重脩順德縣志芻蕘	一九八五	二一八—二一九
余綿生國畫展序	一九八五	二一九—二二零



胡漢輝博士鄉國情深四十年	一九八六	二二零—二二三
嶺南十人書畫韓國展引言	一九八六	二二三
順德聯誼總會四十周年建校興學簡介	一九八七	二二三—二二五
何迪幹畫展序	一九八七	二二五
何麗生馬來西亞吉隆坡畫展序	一九八七	二二五—二二六
大良西山廟重脩爲書玉泉二字以刻階前碑記	一九八七	二二六
梁先生卓然親家翁行狀	一九八七	二二七—二二八
孔子先師生平事畧	一九八七	二二八—二三二
桂洲文塔重脩落成碑記	一九八八	二三二—二三三
半園小草詩序	一九八八	二三三
順德聯誼總會梁李秀娛沙田幼稚園開幕特刊	一九八八	二三三—二三四
有明高士不偕何先生墓志搨本跋	一九八八	二三四—二三六
吳宗偉鄉丈九秩晉一壽慶序	一九八八	二三六
順德聯誼總會李兆基中學十周年校慶獻辭	一九八八	二三六—二三七
羅鶴鳴繪歷代名賢造象冊序	一九八九	二三七
西岸何智煌紀念文化大樓碑記	一九八九	二三七—二三八
學海書樓前期講學錄彙輯序	一九九零	二三八—二四零
盧錦芳師生畫集序	一九九零	二四一
鄭春霆先生生平事畧	一九九零	二四一—二四三
錦山文社二十屆春禊暨歷屆藝文輯錄編後語	一九九一	二四三—二四四

學海書樓主講翰林文鈔序	一九九一	二四四—二四五
五柳書齋師生第四屆書畫聯展序	一九九一	二四五—二四六
中山欖溪何氏詩徵重刊附續集序	一九九一	二四六—二四七
陳培畧先生師生扇面國畫集序	一九九一	二四七—二四八
全球漢詩詩友聯盟第三屆年會獻辭	一九九二	二四九
陳丈荆鴻九秩壽慶爲順德聯誼總會董同人序	一九九二	二四九—二五零
嶺南詩畫名家周朗山先生紀念集序	一九九二	二五零
順德體育中心落成碑記	一九九二	二五一
何鳳蓮國畫序	一九九二	二五一—二五二
譚伯平攝影名家黃山水墨畫冊序	一九九二	二五二—二五三
黃丈維瑁喪禮悼辭附節錄陳禮源爲黃老師事畧	一九九二	二五三—二五四
陳丈荆鴻生平事畧	一九九三	二五四—二五六
胡卓麟國畫序	一九九三	二五六
周千秋梁粲纓伉儷詩書畫爲文匯報中國書畫版特輯	一九九三	二五六—二五八
陳培畧先生師生國畫展於澳門孫中山先生紀念館簡介	一九九三	二五八—二五九
桂洲馮派普頤老院籌建緣起	一九九三	二五九
學海書樓七十周年紀念文集編後語	一九九三	二五九—二六零
司徒奇先生畫集序	一九九四	二六零—二六一
順德市博物館藏順德歷代士林書畫專集序	一九九四	二六一—二六二
香港中國美術會會員作品第十一集弁言	一九九五	二六二



鄺諤先生書畫展序	一九九五	二六二—二六三
馬笑如女史國畫展序	一九九五	二六三
陳文傑先生書法全集序	一九九五	二六三—二六四
司徒乃鏘國畫集序	一九九五	二六五
司徒乃鍾國畫集序	一九九五	二六五—二六六
六宗教領袖座談會響應國際寬容年舉辦交談會演講孔子忠恕之道	一九九五	二六六—二六七
加拿大卡城華埠耆英中心落成碑記	一九九六	二六七—二六八
康有為先生書學國際研討會芻言在廣州	一九九六	二六八—二六九
司徒奇先生遺作暨蒼城畫會同門作品聯展序	一九九七	二六九—二七零
薇盦詩文集序	一九九七	二七零
李汎萍先生黃河萬里圖長江萬里圖長城萬里圖三巨製展序	一九九七	二七一
從郵票看香港過去未來為集郵專家周耀祺先生出版專刊序	一九九七	二七一—二七二
聖之時為香港孔教學院與香港中文大學聯合主辦國際學術研討會	一九九七	二七二—二七三
香港中國美術會四十周年紀念書畫第十三集弁言	一九九八	二七三—二七四
香港嶺南藝術會畫展序	一九九八	二七四
道教與三不朽為香港道教聯合會主席湯國華先生之命	一九九八	二七五—二七六
孔子學說之與經濟	一九九八	二七六—二七七
朗吟小草續集序	一九九八	二七七—二七八
老瑞松書畫集序	一九九八	二七八—二七九
夢鄉集序	一九九八	二七九—二八零

黃節先生學術研討會為廣東炎黃文化研究會與順德文體局合辦	一九九八	二八零—二八一
周長忽書畫集序	一九九八	二八一
學海書樓七十五周年紀念集弁言	一九九八	二八二
願從道德經消解金融風暴為香港道教聯合會己卯新春特刊撰文	一九九九	二八二—二八四
陳少蓉女史書畫展序	一九九九	二八四
亞聖孟子誕辰與國際母親節	一九九九	二八四—二八六
澳門今昔	一九九九	二八六—二八八
孫中山先生像讚	一九九九	二八八
至善畫會第二屆會員作品聯展序	一九九九	二八八—二八九
哀樂蒼生序	一九九九	二八九
人生順逆為六宗教交談會講座演講	一九九九	二八九—二九二
三龍口傳說所涉諸島地理輯釋序	一九九九	二九二—二九三
湯公九義老先生（湯恩佳令尊）生平事略	一九九九	二九三—二九四
龍年說龍為香港道教聯合會庚辰新春特刊撰文	二零零零	二九四—二九六
從拙作詩篇有懷趙少昂老師為廣州藝術博物館附建趙少昂藝術館	二零零零	二九六—二九八
言藝書畫會會員作品聯展序	二零零零	二九八—二九九
緣畫會書畫展覽序	二零零零	二九九—三零零
臨別的話寫於順德聯誼總會李兆基中學歡送會小冊	二零零零	三零零
學海書樓沿革紀略	二零零零	三零一—三零三
張大千居士書畫專集序	二零零零	三零四—三零五





節廬吟草



九二老人陳天如題





節廬詩草

尖沙嘴渡海泳

庚子一九六零年十一月六日游畢全程。

海峽風雲勢，雙門上下流。奮身曾不顧，破浪豈無謀。此日群龍出，橫江一怒游。從容登岸立，南國正深秋。

南遊

壬寅一九六二年十一月九日至二十二日參與順德聯誼總會組團赴賀吉隆坡順德會

館會慶因順道訪問星馬泰各地邑館僑彥。

椰風橡雨久心馳，何幸今朝得見之。海外乍驚無盡藏，鄉情猶喜盛於斯。千尋拔地登金馬，三保流芳拜鄭祠。炎國真饒娛客韻，入冬仍是惜花時。

宿寶蓮禪寺

癸卯九月十五夜一九六三年

名山古寺聳南天，寂寂鐘聲送晚煙。下界遙爲巖嶂失，上方漫管歲時遷。三光此際惟孤月，一夢由來亦劫緣。安得象龍宏法雨，生生世世太平年。

日月潭

乙巳一九六五年

秋雨絲絲落畫舟，光華島外似泛鷗，水長還作春江暖，四面雲深待釣鉤。

梨山賓館

翠檻朱甍對玉橋，萬山環抱彩雲飄，醉人花草撩人鳥，文物分明似六朝。

孔子廟

台北台南各有祠，官員下馬舊碑儀，未須曲阜方參拜，浮海行邦仰聖時。

初渡扶桑於日航機上

丁未一九六七年

鐵翼逞兇膽尚寒，當年血淚總難乾。防空有洞誰還記，去日無情各自看。天上飛雲方不盡，窗前置酒且偷安。此行怕向長崎問，只願湖邊數釣竿。

長崎在世界第二次大戰結束前夕曾當第二顆原子彈慘酷滋味備受嚴勵懲罰

鯉峽初春

官富場東一線流，潮生潮落自春秋。風和又綠千家岸，日暖還來萬國舟。煙景縈迴裙帶路，水雲相接佛頭洲。如何一夜瀟瀟雨，故遣人間有樂憂。

佛堂長夏

九州南盡起靈光，一廟何年開佛堂。日出東林多紫氣，雲橫晚錦煥炎荒。有情天地皆詩境，無限江山入畫囊。畢竟清和梅雨後，海風偏付釣魚郎。

杯渡深秋

韓碑屹立峰之巔，九日雲開自在天。十里松杉猶古道，幾家翰墨認前賢。不知老衲歸何處，只笑黃花又隔年。欲向伶仃問消息，甚時杯石復成船。

鹿頸隆冬

風香庾嶺尚遲遲，韻落南陬正及時。月冷真疑天欲雪，聲來輕覺葉辭枝。安能此地營東閣，好讓高人讀杜詩。疏影一林春有訊，清溪似待鴨先知。

燕 戊申一九六八年

花開花落忽年年，識得春歸未惘然。兩岸鰲龍仍貫舊，幾家王謝尚從前。呢喃漫舞差池羽，來去還翔自在天。莫笑不知鴻鵠志，慣看富貴與雲煙。

秋雨

一雨真成天下秋，楓林搖曳暑全收。時來戶接西風早，世事何須著意求。

九日鄉思用溪西雞齊啼韻 己酉一九六九年

遙接容山出桂溪，臨流塔影落東西。竹籬茅舍任風雨，桑樹魚塘雜犬雞。頗憶微時雖少賤，也曾大學誦修齊。天涯總是催人老，強夢鄉關水鳥啼。



除夕

一年寒盡盡今宵，市得雞豚備頌椒。窗外梅花呈豔色，燈前樽酒漾思潮。悠悠歲月迷歸夢，歷歷鄉關憶在髫。檢點平生無大過，敢將心願許明朝。

登杯渡

辛亥一九七一年

殿閣出雲層，松杉十里登，湖山如此大，何處覓高僧。

南丫島海浴

海國結良儔，南丫半日休。翻波學蝶泳，逐浪作蛙游。稚子堆沙塔，哥兒拍水毬。浮沈天地闊，抑鬱付東流。

胡漢輝永輝鴻輝昆仲令堂李太夫人八秩晉一壽慶

壬子一九七二年

桂水花洲接地靈，經綸世業著家聲。華堂設悅揚徽德，香海繁枝出傑英。萬寶源流推領袖，千間廣廈建珠城，筵開王母蟠桃壽，辭祝中天煥婺星。

萬寶源流四字乃金銀業貿易場會徽漢輝兄歷任理事長又營地產建珠城大廈

馬灣訪宗人桓一

今日之西一馬灣，當年此地九龍關。榕生石上千年綠，舟唱隄邊十里還。更有人家泛乳鴨，偶聞村犬吠春山。吾宗信悟浮雲意，富貴從來看等閒。

馬灣埗頭有亭一座亭有榜書曰一亭詠流水十里唱歸舟

濠江普濟禪院

普濟禪堂草木深，春歸燕子共來尋。花香九里清幽界，樹結連枝快活林。各異所求同禮佛，誰曾無過可明心。任教門外喧車馬，一點梵燈自古今。

與內人吳結縉三十周年

癸丑四月二十四日一九七三年

羊城締宿緣，屈指經卅年。鏡海逃倭劫，鑪峰逐市塵。半生同苦樂，異地且流連。願再卅年夜，重將花燭然。

蘭亭花甲二十七度

年年迎上己，癸丑幾回逢，世事如春夢，何勞學蜜蜂。

東方冬泳團春遊

雨後天開顏，程登荔海灣。春遊仁者壽，冬泳健兒頑。長走石梨貝，橫攀蓮藕山。慈雲同抵步，大士迎禪關。九龍慈雲山觀音廟當年邑彥蔡準造福當地大事建設香火為之日盛

荔枝角泳場懷舊

東方游泳場，最初蓋葵竹。右接鍾山臺，左出蚨蝶谷。後枕山丘青，灘前水碧綠。當年復棟宇，歷歷猶在目。彭光出領導，冬泳開場曲。繼往開來者，增祥曰陸叔。達三陳先生，屆進第五六。肥簡(簡廣成)掌三冬，功高顯名宿。十與十一屆，貴叔(何義貴)團務服。五年最長久，蔡翁(蔡準)多造福。有哥(李有記)謙謙風，不肯來逐鹿。十七與今屆，辛苦何老竹。冬泳緣何起，無關名利逐。實因有心人，不願作朽木。相孚同志者，共與求清福。歷屆多全勤，成績堪可錄。冬泳確增強，除病兼解毒。廢鐵鍊成鋼，頑石琢為玉。浮沈綠波間，遠勝蘭湯浴。浸潤復浸潤，神賽傲霜菊。光陰如流水，世事如轉燭。原來稱勝地，遷令來何速。風雨當前夕，同舟仗和睦。幸喜展新猷，郊區建泳屋。芸芸同道者，高瞻而遠矚。

七夕

天上雙星又一逢，鵲橋深處是仙宮。不知午夜方私語，可有嫦娥盡夢中。玉露輕籠新月色，銀河無改舊時風。人間多少癡兒女，歲歲還尋乞巧工。

葉落

連宵聽葉落，客裏又新涼。顧影如霜染，迎風惹桂香。月明嫌夜短，雲斂覺天長。候鳥知來去，人胡滯異鄉。



抵馬尼拉國際機場

斜風細雨下天河，我要回來壯士歌，假使當年無麥帥，今天菲島已如何。

太平洋之戰日本軍南進時麥克阿瑟為

戰畧撤退菲島臨行許下壯言我一定要回來至一九四五年日本軍接受無條件投降麥克阿瑟乃領盟軍光復斯土

菲島憑弔美軍公墓

無限低徊踐綠茵，何堪回首認前塵，可憐一萬七千骨，流落天涯警後人。

碧瑤

炎國高原逼九霄，喬松處處綠芭蕉，油油一片無窮碧，欲訪仙家路尚遙。

穗垣訪姊丈譚叶麟

甲寅一九七四年

參商十九年，一見喜歡天。去日甥還幼，今朝孫象賢。兄重數往事，我亦說連篇。未許因華髮，相看老益堅。

三藩市訪順德行安善堂

論交遍天下，邑僑最熱腸。相逢如故舊，親切愈尋常。雞黍歡華埠，桑麻話大良。此時猶不醉，何以謝同鄉。

智煌宗丈詠梅屬和

一段清香別有新，詩題手植倍添神，盆栽若可稱王霸。天下英雄惟使君。

北歸

乙卯一九七五年

廿八年來月作霜，今朝重覩米魚鄉。容山喜未隨吾老，桂水依然往日長。駐足觀摩新事物，搓眸尋認舊時梁。橋邊巷口層層塔，一念童年寸寸腸。

肇慶七星巖

探盡幽巖又冒煙，衝寒力達山之巔，七峰並立誰為主，襟海憑闌欲問天。

鼎湖飛水潭

林有泉聲石有苔，畫圖一幅是天開，飛流直落三千界，疑自黃河借得來。

翠亨村瞻仰孫中山先生故居

永留塵榻紀豐功，革命精神起廣東，手澤一株酸豆樹，年年碧綠亮遺風。

盧溝橋

盧溝橋上近黃昏，無限思潮起舊痕，七七當年殉國難，幾人尚記此忠魂。

萬里長城

要道出居庸，一關天下通。登樓俯內外，極目仰西東，氣勢沖牛斗，迂迴舞蟒龍。秦皇圖

萬世，不敵一夫攻。

一夫指陳涉賈誼過秦論有云一夫作難而七廟墮身死人手為天下笑者何也仁義不施而攻守之勢異也之句杜牧阿房宮賦又云戍卒叫函谷舉按戍卒指陳涉

赴瀋陽途中

銀燈如畫笛聲揚，路去京華千里長。幾點踈星關外月，兩三知己客中窗。得登衽席忘寒夜，更有龍團送夢鄉。一覺俄然輕展幔，遼寧田野正初陽。

步山外山樓主閒放四律錄一

鏡裏秋霜未覺多，光陰但怯白駒過。曾經憂患纒溫飽，豈敢輕狂對酒歌。安得靈根無物我，了知世界是娑婆。何時可遂平生願，踏遍三峰大小峨。

三藩市訪三邑總會館與順德聯誼總會同人步前賢譚良祝佛軒中華學校落成元韻

金門不異粵之東，南順禺山一脈同。濟弱扶傾欽盛德，淘金築路仰遺風。堂開三邑千秋業，基建六山萬世功。百二十年昭簡史，更存國粹啓童蒙。

檀島威基基海浴

肌似秋霜鬢似雲，水邊千萬楊太真，陶陶醉臥濤聲裏，疑是唐皇化己身。



東平洲

佛堂門外訝初秋，風送大鵬下綠洲。百尺荒坵龍落水，千層奇景石更樓。只因連日微茫雨，未見牧童小放牛。幾戶人家灣畔住，橫舟不與世爭流。（龍落水與更樓石皆此地勝景）

嘉道理農場

丙辰一九七六年

昨夜慶元宵，夙興酒未消。春郊初試步，帽嶺強撐腰。石澗桐琴響，桃花鳳燭燒。錦田雲外望，萬慮付明朝。

長洲春祭張紉詩墓次蔡念因韻

依依楊柳綠波煙，翼翼宜亭已幾年。花落杜鵑三月裏，紙飛蛺蝶一坏前。緬懷淑德留天地，爲弔詞魂薦果鮮。寄語蔡郎寬別恨，靈丘卜得有牛眠。

讀郁達夫全集後次離亂詩集第一首元韻呈曾君幹雄一粲曾君以此集見贈者

假使當年死戰場，便無遺恨落南疆。何期仙侶成春繭，築得茅廬歎夕陽。亂世倍添恩與怨，情天莫補紙和漿。可憐兒女聰明甚，未解人生道路長。

韓國華克山莊

煙鎖垂楊霧鎖花，登亭一望宛仙家。春深昨夜山莊裏，雲想衣裳會漢娃。

漢城昌德宮與景福宮

上國衣冠上國文，一朝殿宇一朝臣，千秋歷史皆相似，箕子徒勞諫暴君。

重遊日月潭宿涵碧樓

十年闊別感登樓，移椅憑闌認舊遊，鳥影波光人獨老，江山無限看從頭。

前題

爲愛朝暎展碧紗，鐘聲遠響鳥聲譁，千尋潭水如禪淨，一夜寒煙濕桂花。

途次阿拉斯加

萬木無聲氣鬱蒼，夜登北極雪山光，當今正鬧然油短，多少能原此地藏。

過水牛城

陽光普照過名城，幾度飛橋貫碧瀛，北接安湖楓樹國，睦鄰有道世馳名。

會郭親家煥林夫婦於多城明宮樓

五月唐街百業稠，人如鯽過輦如流，天涯同是偷閒客，宛共長安醉市樓。

晤又一村學校前任校長鄭萬鏞於老人院

十載參商隔夏夷，甫逢又別意依依，憑君妙語寬離索，學得詩仙勝佛持。

鄭翁居夷無聊日惟借酒遣懷聞赴市樓

多城客寓夜坐

樓臺燈火比鄰明，夜半闌干冷若冰。市虎穿梭喧客夢，楓林曳舞惹愁城。忍辭萬里門閭望，且換連宵子女情。顧影自憐襟袖薄，離人心事滿天星。

多城客寓驚聞外舅吳翁席儒病逝香江歿於丙辰五月十二日

久病焉知日有多，延醫總望挽沉疴。豈期纔共過端午，隔浣便傳杳奈何。一別牀沿成永訣，五更夢裏痛難磨。總麻愧未奔喪服，悽聽枕邊泣蓼莪。

翁患心臟病多年啓程前到醫院辭行尚蒙臨別贈言一帆風順云孰料竟成永訣

抵新德里

更深月色向西航，俯視塵寰一片茫，忽見萬家燈火在，笑欺玄奘早生唐。

喀什米爾古爾瑪高原

千萬松林路蜿蜒，逼天聳翠雪封巔，高原十里堪遊牧，百駿當前欲著鞭。

甘地墓

不動干戈不動容，全憑絕食建豐功，遺風留得人歌頌，我亦肅然拜聖雄。



多爾湖浮船酒店

風光爭似下江東，夏口武昌彷彿中，孟德周郎俱往矣，何如攜酒學坡公。

泰姬陵

廿載廢時鞭石工，民脂民汗兩交融，一姬命薄千夫賤，不事蒼生事地宮。

尼泊爾觀土風舞

夜涼如水草如綿，藉地拈花喜並肩，小鼓輕敲歌且舞，人間無欲即神仙。

撲加拉湖

獨木剝成原始舟，水雲深處放中流，焉知世外桃源裏，竟有嬉皮作裸游。

喜馬拉雅山

閱盡人間春幾回，橫空隱約萬堆灰，登峯若可中原望，滾滾黃河水一盃。

前題

金光萬道日初紅，雲海千層湧百峰，天地浮沈如有主，額菲爾士是朝宗。

加德滿都

皇宮活佛又神牛，寺廟盈千亂客眸，千古僧人誰供養，梯田處處望豐收。

虎頂森林

斜陽策象入森林，涉水沿涯葦荻深，逐鹿啼猿驚虎印，犀牛浮背鍾微沈。

前題

架樹懸空結草廬，嘯風冷月又星疎，山雞野雉鳴東白，昨夜如回太古初。

加爾各答

飛車過市已黃昏，一覩恆河洗昧根，聞道僑商南順眾，匆匆行色未逢親。

岑學呂鄉先賢手書佛說阿彌陀經成帙贈潘潔夫鄉丈丈以印本轉賜讀後拜呈  
真書佛說兩莊嚴，字字爲無量壽添，難得雅人資共賞，先知後覺福同沾。

題陳丈荆鴻蘆詩草

先世道相尚，挽瀾曾並肩。嗟哉兩游子，詩隱歸北田。悠悠三百載，陵谷幾變遷。丈能光先德，慚吾不象賢。丈少而遠游，飄然同謫仙。西泠留屐跡，匡廬拂雲煙。聲名動京滬，卷軸收幽燕。鳥倦始南回，海隅理舊篇。等身有著作，蟲魚羅錦箋。鑪峰偏桃李，邑會重耆年。殷勤常接席，澹蕩春風前。沉屬通家好，還叨結社緣。丈詩若華嶽，巍巍壯大千。丈詩繼獨漉，雪聲同流傳。

桂林

雨雨風風入桂叢，灘江山色有無中，此行總遂平生願，疊綵山巔望象峯。

蘆笛巖

奇幻多姿寶藏深，洞中有洞有森林，何時仙侶凡間住，洞口蘆吹玉笛音。

靈渠

湘灘分派出靈渠，鑿得流通利物輸，細辨殘碑秦漢事，論功知有伏波書。

長沙遇雪

橘子洲頭雨雪霏，湘江寒徹鯉魚肥，客窗無事惟端坐，柳絮隨風賞韻微。

東湖

柳岸桐林認武昌，絲絲淡抹葉經霜，湖光不掩天然美，靜待春回換錦裳。

長江大橋

自是漢陽非舊妝，橫飛天塹起康莊，臨流我亦東西望，後浪推前證不謊。



南國重遊

丁巳元月初八日一九七七年二月二十五日順德聯誼總會順德商會順德綿遠堂

合組馬星泰訪問團專程赴賀霹靂順德會館金禧三喜大慶一行二十三人先抵檳城即承當。  
地邑館諸賢設宴款待

新月一彎浪撼城，南陬再渡應僑聲。下車便爾君呼酒，受寵偏教客若驚。椰雨有心先灑掃，蕉風拂面解逢迎。重溫十五年前夢，一刻千金正此情。

訪太平邑會館知有重建計畫

太平湖畔倚山居，萍聚何妨處一隅。回首當年曾駐馬，此情如昨又迴輿。欣聞碩畫開新府，共仰羣賢握智珠。異日有緣重作客，登堂更賦屋渠渠。

霹靂邑會館金禧暨會館大廈擴建落成開幕耆英大會三慶典

銀花吐豔正春融，喜度金禧日永隆。美奐美輪欣敬業，有為有守見成功。蟠桃競獻尊王母，柏酒浮香祝壽翁。遙接青雲添瑞氣，南洲遍地鳳城風。

訪吉隆坡邑會館

登堂此日話重遊，夙仰羣公裕智謀。梓里文章高月旦，梯航歌舞足風流。南天早建千秋業，東道宏開百尺樓。和協萬邦同樂樂，盍簪何異在神州。

星洲訪梁介福藥廠新明日報贈主人潘潔夫梁慶經

依依不舍馬來情，轉眼雲飛獅子城。十五年還臨舊地，廿三人又訪新明。萬家生佛存仁術，一紙陽秋播正聲。安定文郎光盛業，功同二伯羨邠卿。

潘文潔夫乃佐慶經父梁潤之翁創業開基梁翁歿慶經繼述仍賴潘文全力相輔

訪星洲邑會館喜晤歐陽文澈微

嚮往高山已有年，早從荆老讀華箋。每懷齒序粉榆社，不盡神交楮墨緣。得慰平生初接席，還期後會再談玄。登堂記值元宵節，只恨相逢太倏然。

家慈年方八六長孫文禮生

含飴之樂喜初嘗，先謝祖宗一瓣香。願足歡娛黃髮老，顧安奢望白眉良。象賢繩武由天命。燕翼詒謀愧熱腸。得作公公翻乍怯，春光鏡裏忽秋霜。

不登萬佛寺已十年有奇開山祖月溪上人亦圓寂多時矣春日重臨有作

甲第連雲列，沙洲賸幾深。山高原可望，路改費登臨。紫竹經風雨，黃梅別古今，老僧何所去，知者惟觀音。寺前空階有觀音大士巨像一尊

夜過孟邁機場小息

佛國重臨假道過，漫長此夜覓銷磨，機聲且歇蟲聲起，似爲遊人放小歌。

唐寧街十號

宮牆外望實無華，宛似尋常百姓家，依舊門庭頻易主，問誰功業最堪誇。

英倫海峽

諾曼第前悉力攻，希魔垂死也爭雄，當年餘烈痕如在，怒海曾吞幾巨艘。

羅浮宮

麗采浮雕氣象雄，窮奢豈讓阿房宮，不同只是滄桑史，歷劫梨渦一畫中。

紅磨坊

花都脂粉尚風騷，況有葡萄釀美醪，地動笙歌天不夜，千金買醉未爲豪。

地中海尼斯早泳所見

碎石鱗鱗水一灣，巨盤冉冉出東山，赫然古堡高臨下，虎視當年海盜還。

蒙地卡羅

冠蓋衣香盡遠朋，腰纏十萬赴華燈，璇宮一夕歸來晚，輒誤蒼生罷不能。



羅馬街頭

斜街曲巷任徘徊，恃有半生老伴陪，願許泉邊錢細擲，重來羅馬共尋盃。

比薩斜塔

一步登臨一戰兢，恨無力拔可扶傾，靴州卻又因斯塔，八百年來享盛名。

鬥獸場

人與人爭己可傷，驅人搏獸更無良，暴君一笑今安在，折柱崩墉弔古場。

威尼斯

水道縱橫四百橋，橋橋橋下棹蘭橈，家家宛住桃源境，卻抱陸沉懼有朝。

梵諦岡

石柱如林兩翼開，崇階堪接萬方來，梵宮壯麗無倫比，點點靈光上玉臺。

瑞士琉森河

羣山錯落五湖清，放眼何須重世經，誰識此間安靜土，天鵝橋下最閒情。

萊茵河上憶二次世界大戰

水陸要衝隱蟬躄，每因兵火便揚波，卅年未許忘堅憶，合目依稀血染河。

阿姆斯特丹

瀕海而居建水都，不爲魚鼈起昭蘇，衢河築似蜘蛛陣，曾使低窪見霸圖。

比京中國花園

中國花園未見花，惟存氣象漢宮華，纔知異域西風裏，亦有朱闌帶晚霞。

悼連普英鄉彥

廿年前已誦君詩，去歲琴樽挹紫芝，一面之緣方恨晚，忽傳響絕失鍾期。

家叔惠梁絜貞伉儷書畫展

一畫一書足並佳，雙修福慧羨和諧。十分春色歸圖卷，八法風神耀海涯。門第簪纓多盛德。鳳山桃李未忘懷。同宗同里叨光澤，君是雕龍紹不偕。

讀黎文心齋詩詞集後

國粹傳三絕，家聲繼二樵。詩囊濠鏡月，杖策石籬橋。桃李春方秀，文章老愈嬌。燈前盥再誦，欲報乏瓊瑤。

檳城順德會館創立一百四十周年紀念 戊午一九七八年

花甲重開晉廿年，古稀再渡慶延綿。華堂此夜然紅燭，寶嶼中天列綵仙。酒進千盃光琥珀，香飄萬里餼榴槌。春秋佳日團鄉會，世世子孫皆象賢。

森美蘭州芙蓉順德會館擴建落成紀念

萬里梯航志氣雄，南天雲集吟芙蓉。堂開錦繡添新頁，廟祀神明振古風。業溥民生勤不匱，禮循鄉飲濟和衷。嚶其鳴矣年年盛，鳳嶺靈光遠益隆。

會館內供奉關羽關平周倉三位神像  
乃余受託在港訂造並代運寄者

吡叻太平順德會館新廈落成紀念

夏屋渠渠坐太平，環山滴翠鑑湖清。鍾靈毓秀宜麟趾，務學勤生接鳳城。同道爲謀揚國粹，盍簪有會溢鄉情。枝開景泰源流遠，楫渡南洲更有聲。

星洲順德會館創立三十周年紀念

胡姬豔麗占春先，喜頌宏規而立年。炎地早昌聯舊雨，華堂今又展新篇。椰林舞月開仙境，冠蓋如雲共酒邊。禮重粉榆隆遠紹，憑軒南望羨羣賢。（胡姬花名乃星洲國花）

從化溫泉

橋東一宿夢華清，晨向綠叢聽鳥聲。細數離支三百樹，悔教到不在蟬鳴。



西樵飛流千尺

白雲深處讀書臺，石掛銀簾拂綠苔，一陣天風金玉振，琅璫似爲接賓來。

宗文智煌招飲涉趣園

春光不負又園遊，北海高情健唱酬。葉舞枝橫花共醉，歌凝籟發鹿方呦。浮生若悟蒸梁夢，得意何妨滅燭留。今夜直同桃李會，龍蟠鳳逸數風流。

讀陳丈荆鴻著獨漉堂詩箋後

不去盧同獨漉堂，羅浮山上兩孤芳。每懷先世相謀道，倍幸有緣炙卷藏。天奪三忠匡漢業。

節存萬古耀南方。分明一冊興亡史，留與人間作耿光。  
陳獨漉字元孝乃嶺南三忠之一陳邦彥長子當邦彥殉國破家亡之餘曾一度與家先賢不借策勳反清復明後以大勢已去遂與不借及其兄何衡暨陶瑛梁捷避跡山林寄情吟詠世稱北田五子不借著有不去盧集庚子元旦元孝不借同登黃鶴樓元孝賦詩有句云城頭江漢一千里坐上羅浮兩個人由此概見陳何兩家先世往還也元孝三百零六歲冥壽荆鴻丈竭墓致敬有詩云分明墓是無窮事留與人間作耿光時丙子九月

爲邑會賀副教育司何雅明鄉彥榮獲 O B E 勳銜

尚書水部行流風，金友玉昆又肅雝。家學有源參造化，文章司命儼朝宗。普沾教澤騰香海，共佩嘉謨促大同。德合中庸膺福厚，位名祿壽永尊隆。

雅明有弟雅榮雅言皆飽學之士歷任公職造福社會光耀梓里

詩人節在多城

華埠酒家角黍香，異邦猶記節端陽，明知歲月間中過，也索枯腸賦一章。

國際父親節於多城高塔旋轉餐廳

日落安湖景色匆，九霄環覩萬燈紅，停盃笑向兒曹語，世事如輪入眼中。

五女少若多城于歸港中親友惠賀多儀移贈長洲順德公立學校

練裳竹筭費經營，但得相攸喜債輕。徒擾知交非本意，只緣月老是多情。願將嘉惠移興學，聊表微忱作育英。異日歸寧思戴德，不忘共聽誦絃聲。

荆翁違和心翁餘菴同訪候

昨從書局值相知，聞道右軍懶洗池。天假清閒原福分，夏來苦熱合休期。平生善養浩然氣，偶爾何憂造化兒。不必季康需饋藥，維園晨步足神芝。（翁顏其居日蘊廬戶對維多利亞公園）

檢讀春秋詩社詩詞集有懷古公卓齋

公是蓮峯山下人，海隅酬唱亦緣因。題襟結社鳴天籟，建校開鄉輔友仁。恨晚相逢關宿分，忘年共話記前塵。悠悠往事成追憶，深巷樓頭幾換新。

公乃又一村及又一村學校創辦人之一原籍中山亦貴亦儒集中有贈楊先生詩云同是蓮峯山下人又從香海

麗精美術學院金禧呈鮑少游院長

知命之年豈等閒，春風桃李滿人間。六朝宿盛參軍集，百粵今推夫子壇。筆底煙波驚米畫，胸中兵甲出梁山。辱承折簡慚何似，大雅堂前怯莫攀。

鮑文曾費三年心力繪就水滸傳英雄人物畫一套四十四幀

悼馬來西亞上議院議員拿督陳光漢邑彥

杜鵑聲盡又蟬鳴，忽報南天隕巨星。千里懷人縈舊夢，廿年往事溯生平。風雲大馬威夷夏，冠冕羣倫儼蘭荊。一夕琴堂騎鶴去，甘棠長繫故鄉情。

悼馬來西亞邑僑領馮丈繩伯

栽花種竹已多年，載酒江湖陸地仙。自是善人香滿室，儼然明哲賦歸田。方懷去歲重逢日，豈意今朝遽絕絃。天若有情容再渡，炎荒惟拜植松阡。

孔丈仲揆哭兄有詩寄示讀後次韻懷之

讓梨風範繼前賢，折翼何堪涕泗連。雖恨平生慳一面，難兄難弟想當然。寵物力奇痛遭車禍時戊午初夏

應聲搖尾小天真，十載相依事可親。還汝自由原不忍，豈期一霎喪車塵。



周文益伯七六嶽降有詩步韻奉壽

何須問蝶滿還稀，得紹前賢自在時。顧曲幾能知有誤，愛蓮應許說無枝。當今正望除三害，斯世難尋有九思。海上潮聲山上月，爲公長賦謫仙詩。

答星洲邑僑歐陽丈澄見寄北行漫詠及瘵目俳語

君賦北行我賦歐，一年容易又中秋。猶懷舊歲參商動，得誦新詞夢寐求。且感仲謀能枉駕，因知永叔愈青眸。遙瞻南國逢佳節，明月清風滿吟樓。

丈去年回里經港惜余歐遊未返恨失逢迎今秋丈嗣尚章因公赴菲經港到訪

秋雨

夢中猝爾震秋霆，窗外竹枝枕畔驚。閃電幾疑宵小過，側身還懼稚孫驚。推衾起視雲凝墨，仰屋惟聞樹有聲。莫怨蒼蒼虧下界，替人垂淚到天明。

涉趣園雅集鄭家鎮以桂遊題畫詩一首書贈

躬逢勝會仰羣賢，中有方家宗鄭虔。畫友聯開庚子後，風神不讓板橋先。湖山到處歸摩詰，伯仲之間見米顛。貽我桂遊詩一首，瀟江春色落樽前。

鄭君爲庚子畫會創辦人之一

沙田萬佛寺月溪上人百齡明壽

錫飛杯渡遠由滇，一手然燈萬佛前。去住無常生念念，慈悲有願抱乾乾。百年當日來何處，三界於今遍大千。樹下留緣通法乳，航如普濟會諸天。

上人原籍雲南來港後一手創建萬佛寺既通禪理復博老莊之學嘗謂基督教義直近小乘議論精微上人亦一位躬行力作者山門瑣事輒自理之昔年趨謁屢承於丈室之外綠陰深處賜予玄談惜余爲三業所障耳

訪聽曉山房偕內同黎丈心齋伉儷潘小磐闕應良李銳志梁中力潘幼剛黎君焯譚炳森何植發黃振民岑本初等

疊疊秋山戴雨餘，武陵尋得故人居。栽瞻戶外生花筆，益羨先生滿架書。彭澤能承耽菊藝，濂溪且學種芙蕖。臨瀾一坐詩心豁，萬頃銀波浸碧虛。

圓玄學院展重陽雅集

相攜入道場，散髮坐秋涼。今日是何日，他鄉作故鄉。望中欣挾筆，靜裏看燒香。主客騷懷放，琴歌送夕陽。

湯文國華招飲大華林園小館同蘇文擢鄉彥

龍塘有故宅，闢室築魚池。味雋朋來遠，花香酒滿卮。多君一夕話，飽德寸心知。一道一儒者，還原我到遲。

先君百齡明壽

悠悠四十三年前，九月悲風憶痛慙。少日未肩季路米，此生徒讀蓼莪篇。夢中縱有梁公淚，命裏終遲祖荻鞭。可幸兒孫皆漸長，差堪告慰在雲天。

贈清水灣冬泳團

畫圖一幅展滄洲，大澳門前天際流。路出羊腸分萬綠，棹翻鱗浪漾羣坵。每於冬日呼朋侶，如坐春風叶唱酬。此地真饒煙水氣，年年海屋看添籌。

應胡漢輝伉儷乘舫出海

隆冬天氣尚如秋，一棹隨鷗海上遊。幾負風光虛此約，與君今指佛頭洲。

上元節應長洲邑會慶燈春宴同家植發世鐸舟次有作

己未一九七九年

落日之西航，春潮漲碧江。心開兩岸闊，眼老遠峰茫。此際情何似，隨緣意自昂。與君方論畫，片晌近漁光。

鄉大家馮影仙以其尊人遺作馮漸逵詩存見貽

香江多難日，碩果出耆英。薪火幾淪沒，天聲賴以鳴。由來立大樹，爲甚喪其明。幸有義娥女，能傳伏氏經。



黃丈維瑀隸書鄉先輩黃晦聞先生留別簡岸夫子詩見貽賦此奉謝

溫席流風世夙嘉，竹居門下數才華。十年遲滯羞當道，一卷蒹葭亮晚霞。爲宋爲唐遺手澤，入秦入漢屬君家。縱橫楷隸推毫健，璧合珠聯兩夢花。

當袁世凱稱帝叛國時聞先生不與眾流寧滄倒京師十載南歸後著蒹葭樓詩集

趙師少昂畫展香港藝術館

楊柳垂新綠，木棉占嶺紅。橫塘浮月影，一塔見雷峰。甫過花橋雨，何來草澤風。膛然驚出柙，始悟畫圖中。

一池楊柳垂新綠木棉紅占嶺南春迷濛月色滿橫塘雷峰夕照桂林花橋煙雨及草澤雄風皆趙師之展出名作之一部

鹿野苑監院達道上人寫墨梅見貽賦謝

貝葉繙經處，黃昏灑墨香。花開如見佛，影動似飛霜。庾嶺爭春發，梵天伴月涼。前身和靖客，自得石濤強。

九龍塘會所宴李本立偕邑彥五人蒞港訪問

攜侶踏春來，其行壯矣哉。東風掃徑待，樽酒爲君開。二月花生日，羣芳綠滿臺。有緣天不夜，一醉聆鴻裁。

黎丈心齋喪明之痛世講鴻荃醫生不幸慘遭刦殺愴然書此

悽絕人間送黑頭，誰教鬢髮淚橫流。晴天霹靂緣何狠，險世風雲究甚仇。蘇屋村前方席煖，龍蝦灣畔遽魂遊。可憐子夏空存想，十萬懸金願莫酬。

黎丈曾出獎金十萬圓緝兇徒歸案

陳丈荆鴻康復後書畫展於香港大會堂

初夏清和一角樓，再生洪綬盛春秋。岡松卓立身同健，章草淋漓意未休。幟樹申江如昨日，畫開南國宛從頭。故園文物知何似，堂滿毫光會斗牛。

荆翁以其師溫幼菊鄉先輩所寫蓮花圖見賜

一幅濂溪似海深，先生嘉惠直良箴，從來富貴皆凡品，唯此出泥不染心。

讀小山草堂詩集後呈小山居士潘新安

堂堂南海一詩豪，欲仰小山千仞高。陵谷崎嶇容念定，河陽文采落縑毫。圓通自在多清福，已到無求澹濁膠。展誦陽春翻妄想，待拋塵事學栽桃。

師尚老人遺著山外集有示定宇孫詩一首歲初定宇兄錄自鳳城見寄敬步元韻懷之

先生壯歲我猶童，回首當年隔世中。去日山堂歸寂寞，何時海角復義農。珍逾拱璧來臣里，吟到梅花憶放翁。所恨平生慳一面，羹牆媿學慕儒宗。

關應良畫展香港藝術中心

一枝彩筆出荆關，曩歲曾叨尺軸頒。亂石真疑天可補，晚林如爲鳥知還。四時佳景春常住，幾葉扁舟意自閒。節屆黃梅宜讀畫，登樓同賞舊江山。

香港賽馬會上水鄉村會所同譚伯羽父子公孫李銳志夫婦

有約同過勒馬洲，未因天色阻清遊。窗中大帽方雲合，雨裏雙魚忽日浮。三徑松陰明棟檻，一池水滑任鳧鷗。花前酒畔環羣少，俯仰相交笑白頭。

海珠酒樓應荆翁小敘同劉丈併宇伍彝生李喬峯

日暮江干過酒墟，瀾翻三面似鱗鋪。西灣棹影流殘照，北岸獅峰隱壯圖。但得餘閒容買醉，何妨小坐展歸途。眼前休問浮沈事，雅敘能常勝帝都。

余曼陶繪鳳城雙塔圖並繫以詩成三絕之作寄自大良步韻奉謝

太平神步耀當前，大匠真能移自然。鍊鳳銜鐘聲聞遠，香江桃李藉增妍。

訪九龍山齋省候梁丈伯譽丈正爲邑會屬校李兆基中學繪梯雲書院圖

不詣高齋倏一年，鶴閒正在養和天。花前尚健揮毫手，鼎畔寧非辟穀仙。日月晦明原有律，山川風雨正無邊。未因龍蟄忘恭敬，再造梯雲落錦箋。



重訪三藩市順德行安善堂細觀堂上懸有邑大家張丹寫賀該堂百周年紀念畫  
又擾邠廚愧不勝，華堂重上看分明，廿年前有才人筆，一樹紅棉祝百齡。

滿地可奧林匹克世運場館

百畝荒開競技場，五園爲誌共圖強，如何當日慕尼黑，國手無辜受暗傷。

占士公園

林陰藉地聽溪流，忽覩黑童釣下游，爲甚天生分種族，江流如畫有鴻溝。

多城客寓望夜無聊長途電話回港時丁巳閏六月

方賞姮娥漾小池，迎風忽動越洲思，燈前有線通天地，正是香江日午時。

紐約南海順德同鄉會賜約

五百年前是一家，情同玉樹附蒹葭。不忘所自宣鄒魯，有道居夷範叔牙。夙羨江湖多好客，願教僑士盡光華。罇罍賜約殷勤甚，正值東都盛百花。

洛克非勒中心麗都劇院觀後有感

走馬墜鞭蒞舞臺，爲觀仙子下凡來，庸知別有街頭醉，片面繁華蘊百哀。

波士頓差利士河畔晨運

天上下岸甲理工，臨流相望峙三雄，清晨士子沿河跑，我亦飛橋西復東。

兩岸環有麻省理工  
哈佛波士頓三學府

西南遊草

昆明大觀樓

盈盈滇水藕花風，檻曲橋橫路幾通，讀罷楹書百八字，登樓小坐會盧仝。

龍門三清閣

天臨海鏡泐飛崖，冠絕羣峰刻石佳，多少前人遊此地，留將後進廣詩懷。

鸚鵡山詞太和宮

三晉天門近碧穹，武當規範氣豪雄，玄都畢竟無爲地，歷劫茶花待歲紅。

黑龍潭

潭曰黑龍不見龍，何時雲雨已天沖，昭昭靈物誰曾遇，況在淤泥濁水中。

南路石林

萬象包羅一寶林，人來爭道入山陰。彩雲深處駝峯秀，石簇擎天劍氣森。乍望飛巒如落雁，偶敲危壁若鳴金。屏開錦繡環城闕，惹得詩人結伴尋。

石林夜雨

一聲雷雨送黃昏，裹足山房欲斷魂。燭剪紗窗堪強讀，香燒蛇塔合驅瘟。壺中幸有龍泉在，檻外何驚虎氣吞。宛入滄浪方外夢，幽琴徹夜和乾坤。

雨後重遊石林

昨夜雷霆響萬鈞，幾番風雨又清晨。蓮花池正初開鏡，玉女峯猶半帶顰。坳石有藤雲鬢亂，懸崖飛瀑雨衣新。兩三知己尋芳客，重上仙山踏九垠。

杜甫草堂

婆娑夾道植幽篁，行盡苔階見草堂。館近梅林觀歲宴，祠登工部仰昂藏。三年流寓垂千古，一代詩名播萬方。黃陸兩賢依左右，蜀山蜀水後先光。草堂左右奉有黃廷堅陸游塑像

青城山謁古黃帝祠

三十六峯五洞天，參差古木不知年，漫因先後登無極，得上名山便是仙。

桂湖所見

桂花經雨落湖浮，誰解憐香陌上秋，獨有佳人舒卷帛，爲他相惜寫雙鈞。



武侯祠

丞相祠堂隱綠陰，森森松柏伴碑林，論功早許齊伊呂，讀表方知戒古今。不爲兒孫謀薄業，但求日月照青衿。千秋幾見君臣廟，天地悠悠白帝心。

重慶市

滔滔天塹匯嘉陵，四面雲山山上城。八載此曾成砥柱，他時誰復記刀兵。餘生願自添華髮，放眼當前盡有情。燈火萬家光客邸，卅年心願寫遊程。

寶光寺會廣度上人

喜拜緇衣大比丘，因緣得盡上方遊。經繡貝葉來天竺，鼎象殷商鑄漢劉。千佛碑由梁武建，寶光名是李儂修。歷朝佳翰紗籠在，始信天人護法周。

長江三峽

早向羊渠發霧城，半船風雨半詩情。江郎此際竽能濫，爲有騷人共遠征。船近萬州放晚晴，西巖在望喜崢嶸。登臨始認詩仙蹟，千里江陵異代鳴。夜泊魚泉且歌旌，朝來又聽大江聲。庭堅一卷西山記，爲我先開錦繡程。奇峰突出湧飛霞，曉色蒼茫像看花。絕早推衾貪攬勝，倚闌人共醉中華。風高水怒過瞿塘，兩壁巉巖逼上方。天險由來稱絕勝，一山雲壓一山光。萬千雲水去重重，又到巫山十二峯。神女有心誰入夢，臨風惟拜玉芙蓉。重巒疊嶂出青灘，魂斷水枯往日難，一塔骨顛驚入眼，惡礁今伏已安瀾。酒甌纔醉復茶甌，江上躊躇共壯遊。幾輩前人隨浪盡，西陵何幸數風流。川鄂咽喉昨日過，舳艫又似一羣鵝。乘風直下荆江去，欲問乾坤壽幾多。萬里黃濤接洞庭，岳陽樓遠望鳧汀。千秋一范曾題處，何日江湖復此經。瞻前忽後石頭關，莫怨舟人紹介慳，孟德周郎俱往矣，大江東去曷曾還。東指龜蛇負夕陽，輕舟三日越荆襄，長江後浪推前浪，一路吟風到武昌。

武昌東湖

重來崔護喜飛揚，爲得秋光半煥涼。柳外銀帆爭日白，叢中丹桂及時香。凌波仙子采菱去，倚馬詞人就句商。樓上長天橋遠望，淡濃不讓西湖強。

古琴臺

高山流水響當年，獨向知音始弄絃，天地長留憑一絕，石臺猶對月湖邊。

悼梁丈伯譽丈歿於己未一九七九年九月十四日時余正於西南游次中

鳥倦方從舊國還，驚聞仙鶴已歸山。龍溪梧葉秋先落，鳳嶺風光雨驟潛。追憶硯前頻錦贈，彌哀靈畔一芻慳。平生萬里尋師作，不朽當傳百世間。

悼宗丈鏡宇丈歿於重陽前八日

幾度因緣會海濱，得從平淡見詩人。布袍兩袖欽居易，蘭蕙盈臺羨養真。正待菊觴迎九日，豈期薤露唱茲辰。秋來耆舊凋零甚，痛別龍溪又長親。

吉隆坡順德會館三十周年紀念暨會館大廈落成賀辭

景泰三年日吉昌，五山開治遠流長。書香弁冕才賢出，魚米蠶桑利物張。伐木有聲吟橡雨，浮槎得道躍龍驤。基宏萬載方而立，彩廈彤雲接鳳翔。

赴賀吉隆坡順德會館因訪森美蘭州芙蓉順德會館

一別芙蓉十七年，影塵如夢已華顛。撤環姑輩徐徐老，忍話童年楚楚憐。訪舊幾歌梁木壞，登堂微喟海桑遷。樽前總盡山珍味，片晌重逢只惘然。

雲頂高原酒店以博奕馳名馬來亞

仙境重來汗漫游，似曾相識是松楸。閒雲以外油油碧，峻嶺之巔簇簇樓。別有乾坤惟此地，無分晝夜異他州。巍峨望似清虛府，可奈其中不正求。



陳丈伯祺賜讀頴廬詩草

文壇碩望久心儀，惠我縑緗恨得遲。餘韻流風來頴水，錦山春日見襟期。才工月露三多句，富敵王侯一卷詩。況復有郎兼學禮，清吟豈止酬相知。

丈之長君樂所亦擅於詩嘗從學清江河敬奉著有頴廬題庭吟草

贈女藝人謝雪心

雪月丰姿蘭蕙心，冰壇早已偈魚沉，芙蓉綽約鶯聲轉，信自仙宮謫藝林。

謝雪心本名孔令徽為東方冬泳團新秀

譚伯羽大兄約集澄碧邨別業同荆翁伉儷心翁伉儷餘菴鏗齋止善小山居士等

石醉雲間海上山，既如仙境亦人間。深冬猶綠松千樹，近水當先月一彎。好鳥巢林殊自在，清風滿戶不常關。良朋今共天邊至，樽酒燈前學駐顏。

李文撫虹師生書畫展

奕奕將軍筆，詩宗白也篇。棲神俱水月，破墨起雲煙。不倦菁莪育，還陶道義肩。

百年欽樹德，桃李滿南天。

張韶石牡丹畫展

名花國手兩稱王，彩筆能回隋與唐。太液池西憐煬帝，沈香亭北夢三郎。不須玉樹沾風雨，已帶金衣耀紫黃。錦繡叢中間歲月，畫圖一展占春光。

贈宗丈斗燦

移家曩爲避蝦夷，卻得偷閒在此時。每上松山過別苑，便思濠鏡有良醫。奈何卅載遮雲樹，纔幸今宵共酒詩。相對白頭情未老，論交深淺貴心知。

丈於抗日戰爭時懸壺濠江築室松山之麓時余亦達難此間常耳其名

周甲書懷 庚申一九八零年

寂寂無聞六十過，如何歲月竟蹉跎。空回舊夢丁艱早，更負北堂念佛多。心力幸能交後輩，髮膚總算保元和。願將餘日書勤讀，時近羣賢一放歌。

崇文書院三十周年校慶書畫展

而立之年慶立人，春風喜值歲方新。一堂珠玉光華夏，萬國衣冠會海濱。化育早欽功疊疊，傳薪自見質彬彬。明明德者誰當任，古往今來在教民。

塘西舊夢爲愉社上巳雅集居可衆推謝季哲命題

幾輩猶留薄幸名，溫柔一覺恨天明。紅牋寫盡金迷地，珠淚徒添玉漏聲。誰解多情憐小小，曾超孽海護卿卿。百年往事今何在，居可樓頭問老兵。

潘文學增自鄉旋港小敘市樓座前序齒以丈年方八二居長心翁八十次之荆翁七八又次之泰階翁七五鏗齋六九叔惠六二又次之秉昌與余居幼亦周甲同庚矣

君自故鄉來，朱顏笑語開。寒梅當己過，農事正紛栽。序齒尊花縣，浮生感舞臺，因知歸臥好，松菊絕塵埃。

夏至前後連日攝氏三十四度高溫爲近年罕見愉社詩盟潘慧文大家因以熱甚二字命題

炎炎堪鑠石，灼灼欲流金。地僻惟搖箑，人稠苦插鍼。情同豆在釜，愿化鳥巢林。忽念渡瀟月，憂勞鑑古今。

與此同期美國德州阿克薩州奧克拉荷馬州肯薩斯州密西西比亞州路易士安納州密蘇里州高溫至攝氏四十五度小麥家畜傷亡慘重死於中暑者逾千人其爲熱甚視香江猶小巫也酷熱猛於虎，花旗動駭聞。西南遍疾蟲，天地失氤氳。苗槁連州麥，人亡陷火雲。

哀哉此赤帝，胡不念芸芸。

梁勁予國手有詩自壽屬和

儒服雍容見抱真，似曾相識夢微塵。囊中豈止三年艾，壽宇長強百鍊身。韻繼唐音關世運，拳傳太極振精神。春風圖畫人同健，熠熠羣星拱北辰。

梁翁行醫之餘教授太極拳術出其門下者甚夥



伯祺丈爲曾孫彌月喜賦次韻奉賀

玉樓湯餅會，炎夏亦涼宵。德厚宜蘭秀，堂喧似歲朝。未聽啼與笑，已卜楚中翹。此日兒爲祖，孫孫接不遙。

餘菴舍飴之喜次韻奉賀

有幸天涯共鯉門，幾番酒會以文論，卻憐君每堆詩債，此後偷閒爲弄孫。

賀敏公宗長新翁

同寄江湖日月長，況逢仙桂近飄香。喜君天子癡聲願，有子鸞鳴窈窕章。萬里相攸出禮義，百年好合結鴛鴦。華堂今夜羣賢集，共祝德門世世昌。

贈墨韻琴聲館主人伍彝生伍君擅畫孔雀鳴於時

冠羽修翎振藝林，王朝別有好春陰。屏開豈止悟園出，類聚會窮澳國尋。墨韻已揚三十載，琴聲更遇幾知音。神乎技矣無雙士，一鳥真能敵百禽。

悟園在大嶼山之西乃修靜之地當年飼有孔雀多翼伍君常到此寫生

題吳天任荔莊詩稿

君云身外物，事實等陽秋。豈止五言手，真輕萬戶侯。春歸吳陌遠，風自杜陵流。著及鄒崖集，吾家何以酬。

吳君自序有云且詩亦身外物未成屬我已成即屬人又於壬辰病中遺懷有歸吳陌春仍遠之句吳君又爲家先輩翻高編成年譜及其遺著鄒崖詩集一卷

鏤齋置酒謝墟爲潘丈潔夫接風同座斗燦宗丈潘新安謝季哲陳秉昌

松風竹露玉樓臺，一片蟾光入戶來。醉裏詩懷忘主客，畫中秋色遠塵埃。燕居論得禪三昧，書屋欣聞桂幾開。如此江山如此夜，人間何事有愁哀。

潔夫文僑居星洲建叢桂書屋圍植唐山桂樹多株丈季佛學於晨常盤膝樹下

重陽翌日和念因秋薦張綬詩

晚節黃花又滿叢，詩魂宛共夕陽中。依依昨日龍山韻，冉冉燭前玉珮風。何必多情悲水逝，已嘗宿願得天從。英靈不與形俱滅，可許仙凡一醉同。

珠江隄畔賦勉諸甥

上流接白鵝，千古去來波。今日颺舟楫，昔時只笠蓑。雙橋橫遠近，兩岸拂婆娑。天地容修飾，人生自琢磨。

光孝寺漫遊偕諸甥

心癡久未聽云何，難得訶林禮佛陀。寶塔猶藏黑舍利，禪房無復病維摩。名先羊石人傳說，樹種菩提剗歷過。千載南宗持戒地，祇徇更爲夕陽多。

贈譚振球甥

一會懸懸卅二年，豈期三日又雲天。別時肯信皆緣定，回首難禁兩惘然。珠海潮生如共語，越台樹老似相憐。南園酒畔情何味，醉問黃花幾度妍。

題萬里尋師圖

斯圖爲龍溪老人梁伯譽先生窮畢生心力之遺作卷長四十餘尺集宋元諸大家筆意而成得鄉彥羅君景雲本尊賢重道熱愛文藝寶而藏之誠鄉邦之盛德可風也時庚申小雪後七日

萬水千山入畫圖，別開天地儼仙都。舟車驟馬沾花露，春夏秋冬共旅途。已盡精誠侔造化，長存浩氣竟虛無。珍逾拱璧歸相感，留鎮青雲並典謨。

司徒文蒼城畫展

譽揚楓國賦歸來，玉蕊瓊枝應手開。自是神傳彭澤愛，儼然香出洛陽栽。珊瑚拔地英雄色，喬木參天大任材。疎影兩三猶醉目，萬千佳氣入樓臺。

鴻社雅集酒蘭同潘思敏陳襄陵傳靜菴何幼惠王耀光諸社盟九龍塘會所夜坐

草木正淒清，鞠丸尚接兵。廊長容小坐，話短亦深情。風細香茶暖，燈高老眼明。渾疑仍白日，望宇有書聲。會所附近有養舍多所



潘文蛻菴達和康復後小敘市樓有詩賜示依韻呈之

海上若閒雲，安坐芙蓉褥。偶然杖履慳，緣因修慧福。丹竈煙霞生，靈芝旦晚服。德明天自厚，心清神易復。興至又登樓，詩成不待燭。胸有萬卷書，筆無半點俗。琅琅新制作，纒纒落珠玉。樽前共論文，達人又何卜。

歲闌置酒鄉序裙屐翩然有心翁夫婦荆翁夫婦黃丈維瑒周丈益伯趙師少昂潘丈蛻菴夫婦陳丈伯祺梁丈簡能陳丈泰階湯丈國華宗丈斗燦宗彥雅明夫婦黃君松鶴伍君彝生李君昆祥社盟潘新安梁其政黃子成邑彥蘇文擢濫中行梁耀明潘小磐賴百超賴定中陳天如劉春草關應良潘鎬澄馮影仙譚伯羽譚炳森何享綿李銳志梁中力何植發梁蔚熙梁永熙諸子久客不知歲又闌，惟驚詩債有難還。曝書洗硯慚虛度，尚齒抗懷幸可攀。伐木聲聞皆宿願，忘年恣態盡朱顏。故園風味燈前酒，今夕仿同會宋班。

披荆文社歲首雅集 辛酉一九八一年

春日以文會，詩情並酒濃。琅琅多古意，袞袞醉仙容。爲此介眉壽，主盟推岱宗。天公亦命讎，山僕海成鍾。

圓玄學院春節慶燈暨石坊落成剪綵應湯丈國華東邀同行潘餘菴趙大鈍駱曉山時電視藝員佳麗多人亦不約而至衣香鬢影於柳綠桃紅之間

玄真相約會春臺，日麗風和倍快哉。鳥語如知常客至，桃花不問幾時栽。微聞流水三潭疊，又覩新坊眾妙開。仙子亦辭銀世界，人間貪看綵燈來。

劉春草畫展

容山少日已崢嶸，派列嶺南益著聲。湖海廿年宏教澤，縑緗十篋壯遊程。鷗翔天地人同健，氣帶煙嵐物盡情。譽滿炎洲文旆返，百花正好會春鳴。

陸無涯法書詠紅棉見贈賦答

機雲家學放翁詩，道德文章自有其。戰地烽煙曾載筆，名山事業歷匡時。陸郎問世真而美，庚子題襟氣愈奇。貽我縑緗欣託分，隆情高並越臺枝。

陸君為新聞界前輩筆陸郎是其筆名抗日戰爭時任宣傳工作晚年參加庚子畫會

鑪峰晚眺應劉紹進社盟為愉社雅集命題

一片繁華幾醉醒，望中燈火盡微明。關邊此際花同笑，峽外何時浪不驚。異地風雲過冷煖，百年人事苦虛盈。江流日夜天心在，莫想非非負太平。

瘋犬應鴻社雅集梁其政命題

何來恐水病，數數犯邨民。守夜功猶在，傳書跡已陳。吠堯甘附跖，噬趙苦為臣。安得彌明勇，挺身滅惡狺。

五湖游飛金陵途中

羊石鵝潭一絕塵，雲邊安坐幻飛身。朦朧老眼心猶壯，幾夢江南今始真。

謁孫中山先生陵

夾道青松似碧流，石坊風雨幾春秋。人來各族爭瞻仰，我亦環棺一叩頭。

登靈谷寺塔

遙望秦淮匯水西，逼天欲與鍾山齊。登高別有襟懷感，四面松雲比我低。

登石頭城之聚寶門

日薄天寒上古城，枯蘿繞壁半存傾。消閒父老危闌坐，似怕遊人問甲兵。

赴揚州途中

清晨過六合，載酒上揚州。飛轂思遙路，耕煙惜苦牛。甘霖曾昨夜，沃野遍春流。料得田家樂，憐吾跋涉遊。



揚州

春風十里近花朝，先見霜林瘦影飄。桐樹經寒曾耐久，瓊枝吐艷已非遙。開樽同醉二分月，問路猶知廿四橋，如此江山如可待，何妨異世作魚樵。

瘦西湖

風亭月觀舊徐園，水秀魚肥鳥語喧。煙鎖五亭橋錯落，寺藏三寶佛同尊。草堂露冷花無恙，白塔鹽裝事有源。半日清遊緣太淺，但能一會已銷魂。

過瓜洲

歷歷寒煙古渡頭，村田橋水認瓜洲，江南江北梅初放，贏得詩囊一路收。

鎮江登江天禪寺

江天一覽舊朝題，東望山陰是會稽，梵宇由來多古勝，登臨無奈日將西。

無錫

江北江南去復旋，天涯浪跡似飛鳶。何緣又得湖邊住，試飲人間第二泉。

太湖

鼃渚放蘭舟，三山天外浮。風帆揚片片，日影正悠悠。極目疑神造，驚心似海流。安能起西子，今日得同遊。

蘇州

車上遙遙望虎丘，客心先已到蘇州，江山入眼皆吾有，何必生兒是仲謀。

錦江飯店席次贈程十髮畫師

有緣漫道識荆遲，二月江南柳眼知。燕子初歸尋舊壘，桃花正待染胭脂。江山自古皆如畫，風月於人總是詩。把酒論文關宿分，況能不負久心儀。

上海玉佛寺

福德莊嚴古上方，梵燈正喜漾春光。階前有石俱滋綠，戶外無風不被蒼。歷歷蓮花經雨露，茫茫塵世任滄桑。沙門自古多詩客，敢以清香禮法王。

杭州岳王墳

青山寂寞十三年，忠骨終還拜古阡，階下佞臣齊俯首，千秋功罪總昭然。

墳毀於一九六六年  
重修於一九七九年

放鶴亭

孤山湖水對梅林，處士荒城杳莫尋。曠有亭中放鶴賦，白雲千載與春陰。

花港觀魚

晨曦陌濕老吟身，問柳觀魚不厭頻，萬綠叢中花笑我，欲將湖水贈閨人。

六和塔

六和塔上望錢塘，江水泱泱日影茫，天地於人何太厚，風光苦我作詩狂。

西泠印社

餘韻流風尚可尋，拓碑摹帖有知音，傾囊市得一方石，二字吉祥如我心。

印面篆吉羊二字秀麗方正惜缺邊款

白隄步月時在二月初十日

浩蕩春風繡白隄，柳梢月下好相攜，玉闌花影煙波外，燈火樓臺故國迷。

西湖留別

絕世風華天下知，甫圓春夢又臨岐，依依願約重逢日，柳綠桃紅更及時。

錦山十稷集去會陳菊圃李汝大黃松鶴張江美潘蛻菴彭旣白傳靜菴許邇良句

錦鋪郊野綠如油，遠望平沙起白鷗。晉代流風傳海曲，花間啼鳥勸春留。視今視惜情何切，一詠一觴樂共悠。管得落紅飄翠瓦，揮毫潑墨各千秋。



步韻蔡念因春薦張紉詩

媚川繞過永和觴，有幸鶯花未異常。芳草又招蝴蝶舞，宜樓倍憶牡丹香。千秋已得傳詩畫，一夢何須怨短長。總料詞魂非所願，人間不住住仙鄉。

霧中渡海

樓船橫渡入迷濛，眼界真教在夢中。此地江山容有別，當年瑜亮孰爲雄。數聲遠近如哀笛，何日乾坤盡惠風。梅雨柳煙還似畫，天留春意付蓑翁。

邑會李兆基中學開幕

務學勤生起鳳城，流風所至有僑聲。五山淑氣傳香海，雙塔靈光接太平，作育願無分畛域。尊師望復見朱程。百年樹德欣伊始，巽宇巍峨仰令名。

鴻社百會

結社題襟百會道，唱酬如接宋臺秋。乾坤任轉流風在，裙屐聯翩翰墨留。美盡東南多酒敵，由來花月屬詩儔。登樓有感岳陽記，處樂誰先天下憂。

訪荔莊山居同關應良

海角初秋暑未消，爲尋高士不辭遙。名山有路曾相識，小鳥磨門似代招。窗外分明松抱節，茶邊澹泊日方朝。晤言一室惟書畫，梅夏龍溪韻各饒。

何翹高一字梅夏龍溪老人梁伯譽別署荔莊先生分爲編年講題萬里尋師長卷

贈周千秋梁粲纓

趙管才高燕一雙，瀛寰到處任翱翔。異邦子弟三千眾，華國文章萬里揚。峽谷洛磯歸畫卷，禺山鳳嶺並書香。珠聯璧合難評價，且待仙人玉尺量。

拙書陋室銘展出香港藝術館當代香港藝術雙年展

白頭纔學八分書，難得華堂展一隅，叔世漫嗟皆逐利，雕蟲也許付文娛。

黃河爲鴻社雅集心翁命題

由來淤決害於耕，歷世防修苦作氓。浩浩真如包拯笑，滔滔幾見聖人生。誰排故道千山出，不讓禹王萬里行。人定勝天終有日，願期淮泗會鷗盟。

楓林

落落湖山舊夢尋，秋容醉我欲披襟。水浮霞影光三面，眼信天公無二心。何事七賢惟綠竹，不先小杜愛丹林。霜侵兩鬢流連客，安得壺觴又抱琴。

賀鏗齋金婚

高燒銀燭醉金卮，何異當年二十時。最美風懷歌聽曉，每圓月色夢容奇。相諧魚水長同樂，不管陰晴盡入詩。桂馥蘭芳緣積善，畫眉天許到期頤。

先生原籍容奇，服費海隅，有年於大嶼之濱，建別業一棟，顏曰聽曉山房，以遣休沐。

賀李寶瑩榮獲榮譽獎章

忽作荆釵忽彩裳，才華不愧出書香。散花天女身同見，隔葉黃鸝韻與揚。喜獲殊榮當有自，倍欽巾幗愈尋常。忠於文藝光桑梓，化育功齊樹序庠。

馮文康侯以拙句篆聯見賜書此奉謝

銘石鐫金世所傾，毛錐一奮亦雷霆。神凝日月風雲外，力盡山川虎豹形。天水論功常樹下，率更爲體邁蘭亭。北辰歷歷羣星拱，自爾瑤光遍鶴汀。

悼歌者張月兒

往事如煙苦憶君，依稀花月有留痕。故都春夢傷今昔，芳草天涯感夕昏。一代藝人嗟絕唱，當年風韻黯銷魂。悲秋遊子頭俱白，幾許猶能舊曲溫。

二至七句乃引用其曲目或畧其歌辭成之

題辛鵬九寫荷花圖

香遠益清綽約姿，花開正好夕陽時。淤泥不染誰同賞，願繼濂溪一首詩。



賀宗丈式南新翁

輸財樂育允文翁，懋業還將利百工。日月代明光萬戶，舟車所至叶長風。克家早已昭繩武，了願何妨便學聾。天許善人膺福厚，含飴來歲定爲雄。

文於石油然料經營有道富而好禮者捐資開辦何式南小學及佛教南金中學

辛酉歲暮赴許老讓成喪禮而歸屈指創建又一村之十賢余達之唐賓南岑載華古卓崙許讓成陳友耀謝伯昌高燕如容顯朝江灝昌己先後謝世緬懷往事每當春秋佳日邨里之間或作宴開良夜或效酒飲鄉人家慶互祝小敘相邀其樂也融融而尤以余古二公繫我以校政誘我以學文若春風之和煦而沐我者俱已往矣感念曩昔不禁慨然有作

當年十老余岑唐，古許陳高容謝江。陵谷同開獅子下，琴樽共結鹿門龐。親仁分得氤氳氣，遺愛何殊父母邦。能說玄宗頭亦白，唏噓清夜不成腔。

題家麗生寫蘭

高介靈根不染塵，幽居絕代信前身，何須薄俗尊王者，自有清香結善人。

大華園林酒家早茗同趙師少昂趙世光鄧寄塵陳子毅余元佳

雅座花前幾畫翁，園林冬日亦春風。飽經世味忘甘辣，式飲茶香有綠紅。直諒喜從萍水會，切憇願與古人同。隨緣共領閒中樂，況在莊生妙語中。莊生指藝壇諸星鄧寄塵

月宮樓餞臘

臘鼓無聲慣海濱，梅花數點又撩人。萬家燈火懷鄉夜，四座耆年學佛身。回首漫嗟歸未得，臨風翻覺老彌親。樽前況有賢羣季，隱隱春融接日新。

楊善深師生書畫展

壬戌一九八二年

五色繽紛目欲蒙，樓臺渾覺立山中。銀河幻瀉九天碧，瓊卉爭飛二月紅。似醉羣仙環遠岫，如茵細草拂春風。老夫頓解尋芳意，襟袖依稀染露濃。

讀鄉先輩何翻高先生鄒崖詩集坵年譜謝荔莊之贈

一卷鄒崖惠我深，溯源豈止認高吟。異鄉薄俗原難問，先德清芬竟可尋。凜烈誅袁良史筆，憂勞使藏老臣心。天涯不遇延陵客，千載何由記楚音。

周泮娟南遊畫展

世澤濂溪學有宗，三餘靡失範天風。十年浸潤荆關意，六法優游管憚工。檀島會開亭北豔，雪州還展嶺南紅。丹青又染椰林月，佇看獅城繡碧空。

梁丈伯譽遺作展於香港大會堂觀後

音容一別兩年餘，猶記山齋惠我書。流水落花終有盡，寸縑尺幅又何如。畫堂縱復尋師苦，叔世空憐造物虛。眾愛牡丹今古事，他生再否寫芙蓉。

蘇文擢以疊韻第二十四偶書見貺次韻奉答

海角棲遲老百骸，唱酬安望與君偕。豈期禮部傳宮教，不吝嘉言賜井蛙。疊韻偶書賡廿四，連篇晬語起天涯。金聲玉振真何價，叔世幾知六律諧。

先生令祖若瑚公清光緒丙子舉人曾充咸安宮教習又先生著有說詩晬語詮評

暮春回里途次中順公路

桑田蕉竹鴨浮池，三五村居插柳時，甫過煙墩又沙口，輕車指顧到容奇。

容山中學教學大樓落成植樹

笑我遲來五十年，無緣消受讀書天，惟憑心願栽春樹，綠葉成陰繼往賢。

桂洲文塔

舊夢依稀古渡頭，巍巍七級尚臨流，夕陽爲我留雙影，猶似當年未識愁。

雙影者塔與我也塔舊可重脩人惟老去

重過清暉園

花落花開二百年，春風依舊玉堂前，異時王謝還何有，一樹龍鍾是木棉。



潘泉齋索畫因圖便面並繫此二十字贈之

我亦欲忘俗，閒塗幾葉竹，持之以贈君，聊答惠珠玉。

題家康德水墨山水

煙樹雲山日遲，春來未許人知，如何乳鴨三兩，江畔已隨所之。

壬戌仲春之日乘世界第一巨大客輪伊利沙伯二世號橫渡太平洋遊首途日本橫濱過子午線而檀島而茂宜島畢程海天生涯八日七夜一夕深宵難寐回憶偷襲珍珠港前事有作

萬頃茫然月不開，濤聲如挾雨風來。固知水上無猿叫，安得天邊有婦哀。不盡波瀾思往事，忽從燈影夢春臺。滔滔今夜橫流客，誰識沉沙曾刳埃。

過子午線

一舸連開不夜城，酒香舞影又歌聲。三更子午過分界，萬國衣冠共遠旌。此際有心惟小我，他生可卜屬多情。臨流暫息滄桑感，爲惜韶華得復程。

子午線剛過一秒之前爲東半球之日晝剛過一秒後爲西半球同一日之始

船上偕內閒步

遨遊六日漸清明，信步相攜到露庭。雲去乍疑風有翼，舟搖直覺水忘形。眼前已倦稜稜白，心底俄浮樹樹青。南海天堂知不遠，深宵久坐數疎星。

航次檀香山

與世相違萬里程，滿襟海氣過檀城。破雲天鏡分春色，拔地鐘樓報曙聲。百戰榮歸堪彷彿，幾回驚夢尚交并。老懷起落常如此，險阻艱難望太平。

抵茂宜島

臥聽濤聲夜夜過，樓船今喜下牂牁。千山朝氣橫青野，萬片帆光漾綠波。日暖田家農事足，年豐兒女舞裙多。清明欲比神州畫，只欠江心一笠蓑。

趙世光趙令彬父子畫展

松雪流風世所傾，還欽仲穆擅趨庭。詩畫繼述山陰遠，縑素爭同趙璧靈。點點露凝天水碧，枝枝花放嶺南馨。有緣重踏清和月，髣髴人間亦畫屏。

贈牛君畫會陳森會長

夙欽籌算尚和衷，有幸天涯喜道同。得並閒雲忘俗念，自於藝海建奇功。暗香疎影孤山色，絮領提綱八大風。明鏡還分塵理亂，三台共仰一文翁。

陳君原籍台山籌算之餘嘗從丁衍庸大師遊亦一位攝影愛好者鏡匣不離其身

李守文醫生寫霸王別姬及荷花圖見貽書此作酬

種杏成林力有餘，閒來雅向水雲居。不矜良相諸家筆，喜學狂僧八大書。似載秋陽箴霸項，宛留國色惜虞仔。淋漓更及濂溪愛，十里香風翠不如。

李醫生亦嘗遊丁衍庸大師之門其作品頗得乃師神韻

讀梁文隱畫遺著歸夢集後次文擢韻懷之

章聖耽禪集百骸，斯人真不俗流偕。傷時竟爾先騎鶴，歸夢如何復聽蛙。一卷無爲仍雪涕，百年有願止天涯。嘉山留得春風在，樹放紅梅韻尚諧。

文歷長香港孔聖堂中學校政務處畫校址在嘉路連山道

盧聲雁海天酒樓招飲呈同座李文撫虹

良夜何緣會海天，玉鈎檻外掛花前。興來借得三分酒，醉裏真逢不老仙。禮授尼山尊一席，詩宗白也近千篇。家傳更有龍眠筆，瀟灑縱橫法自然。

墨齋以在山堂詩續見貽

海上韓康種杏居，守真序志韻何如。百篇豈盡淒涼意，一卷當爲本草餘。供佛未忘寒食約，寧神還撰養生書。宜人澹蕩春風似，料得霜紅爛縵舒。

顏小梅寫柳蟬圖屬繫句以贈餘菴

柳梢端臥爲誰鳴，飲露吟風待世平，但得荷香山荔熟，滿懷應是故鄉情。



嶺南藝苑同門三人劉文蘭曾德鵬何永祥展於臺北歷史博物館

贈劉文蘭

翎毛花卉又蟲魚，六法優游且學書，寫到楓林能醉晚，臺南臺北有停車。

贈曾德鵬

鰲洋有幸結忘年，藝苑朋簪讓著鞭，東海風晴容奮翮，載將書畫過花蓮。

贈何永祥

水部同源信宿緣，嶺南尤得共師傅，羨君今有蓬萊約，日月潭邊放畫船。

陳丈伯祺阮潔瑜夫人伉儷花燭重逢大慶步韻奉賀

華堂日煖興悠悠，金母木公偕白頭，少邁江湖曾鮑叔，晚將塵露看莊周。乾乾詩酒膺多壽，落落言行見寡尤。六十年來相敬樂，信知仁者向無憂。

贈司徒乃鍾

落落神交兩地達，一朝萬里洛磯歸。囊中定富稱心作，腕底還多信筆揮。雲水有情來異域，楓林欲醉出書幃。淋漓墨瀋蒼城意，寫到紅棉更耀暉。

黃丈君璧約集早茗並賜雲巖觀瀑圖

逸筆真參造化奇，六榕薪火世先知。空靈綿邈宗山谷，浩氣縱橫接大癡。一紙尋常載華嶽，萬流如注落昆池。有緣不負傾心願，滿座春風拜畫師。

抵洛杉磯機場得四兒候接

八年重蒞此名城，城自依然但老兵，文昧佞虛無礙事，吾兒早已立門迎。

客中得接港寓長孫文禮遙寄家書語及曾祖母健康

小別思家習未除，天涯難得雁同魚，髫齡也解懸懸念，愧我猶教負倚闌。

大峽谷

高陸何時一巨沉，天池誰鑿此枯深，當年若得蘇州水，異地今來西子尋。

大峽谷之二

絕壑懸崖世莫倚，不辭萬里爲窮幽，飛身欲下無人境，試數乾坤幾石頭。

大峽谷瞭望塔仿史前印第安人制建於一九三二年海拔七千五百三十尺

依樣胡盧一塔尊，倚天鷹瞰夜啼猿，不知印第安人路，可有桃花怕逐源。

寶湖公園

北國流連踏晚風，湖邊細草夕陽紅，洛磯六月花陰外，尚有冰山入畫中。

前題之二

萬里松圍天更長，采芝麋鹿臥雲羊。出山泉水魚游淺，宛步仙蹤宛夢鄉。

初秋

海上難忘壬戌秋，幾人曾步坡仙遊。尺鱸斗酒如何得，山月江風自故流。莫爲蟋蟀嗟露冷，且將富貴看雲浮。迎鴻送燕年年事，夜讀惟爭一角樓。

潘丈潔夫故國勝遊經港回星前約集康樂趣園午敘同座潘文學增黃丈維瑁容丈漱

石荊翁夫婦暨潘餘菴梁鏗齋張韶石潘新安陳秉昌潘幼剛劉國寧諸子盧美華小姐

絲絲秋雨落江流，未阻天來約茗酬。南國漫嗟逢草雁，西風正好會華樓。鼎分牛露尋鄉味，話到籬香釋杞憂。座上皆爲邠老客，何時把酒共星洲。

青松觀書畫琴歌雅集因事未赴書此寄呈

不盡年年作客心，又圓鏡影對花陰。老來漸夥懷歸夢，月下常思伐木吟。今夕玄都賡勝會，幾回秋引共儒林。松風竹露原難得，可奈塵羈負碧岑。



黎時煖鄉兄六黜壽慶

金風玉露紫雲長，喜值星輝照道場。詩頌岡陵無量壽，花沾法雨眾生香。經綸廣被天心願，棠棣同爲世運昌。福集德門徵積善，餘光分蔭滿宮牆。

黎君世業綢緞以儒參佛歷裏佛教會興學設醫贊助溫中行出版其注釋三字經

觀塘藝術節雅集值坡仙後遊赤壁之翌日

攜酒與魚幾夢遙，未妨雅會比今宵。江流千尺何曾斷，風月一天正倍嬌。花展樓頭爭入畫，觴飛吟畔欲吹簫。親仁愛眾能長久，斯世何難復舜堯。

趙師少昂以舊藏茅龍二管見賜

長者何多儀，茅龍賜兩枝。因之明畫物，豈止助臨池。借酒寧甘願，生花不敢期，天風香拂墨，立雪恨彌遲。

題梁姤素描嘉多利亞蘭花圖

不煩渲染見真工，弄筆何妨一著紅。玉質晶瑩堪鬥雪，縞衣搖曳欲生風。此身既醒繁華夢，異種還多翰墨叢。素手蘭心成絕妙，含香待放繡簾東。

題何迪幹秋蟬圖

抱殘猶欲一飛鳴，翼翼空懷萬里程，何日可圓歸去夢，悔將心願負淵明。

重陽

登高一望又重陽，落眼繁華怯夢長。剪燭寧忘紅雨夜，題糕幾認白雲鄉。天雖留我三分地，山亦如人兩鬢霜。安得萬家消遠慮，晚香籬畔共壺觴。

冬至

力抗寒流一老兵，蕭蕭兩鬢尚豪情。先於荔海盟鷗鷺，又向龍塘結弟兄。滌蕩只期強不息，浮沉懶問事何成，江湖那處多冬日，遣得餘年渡太平。

春興 癸亥一九八三年

人日郊遊興倍然，同行況有一詩仙。欣欣花木曾相識，汨汨山泉不計年。開匣影留三教殿，憑闌袖接九重天。玄真未怪遲來客，相笑車迷過隔田。

餘萼約遊荃灣圓玄學院驅車同往誤闖獅山隧道轉折行經沙田附近有隔田村

### 小園梅花盛放

相看不厭兩忘年，但見花開憶浩然。入座春風爲我笑，凌霜傲骨與松堅。興來正好銜觴詠，老去何妨伴鶴眠。安得孤山能入夢，折枝更種草堂前。

### 余綿生畫月下美人圖屬題

唐宮月色漢宮蕉，何事征衫萬里遙。幾夢鴻歸零雨夜，每懷燕語苦春宵。可憐芳草當風露，冷落闌干自暮朝。萬籟原沉哀與怨，誰家閨女尚吹簫。

### 家敏公畫山水長卷屬題

逸筆揮來造化同，故家喬木舊時風，展圖我亦飄飄想，欲借湖山作釣翁。

### 顏小梅詩書畫篆刻輯成屬題

天風亦曉風，絕妙儼神工。雪讓三分白，霜飛二月紅。琢磨關學積，點染與詩融。如此好形管，家傳出魯公。

顏女士爲嶺南藝苑高足亦遊梁子江先生門下歷任晚風學社主席設冷香室課徒甚眾

### 王丈淑陶杖朝之慶次韻奉壽

壇坫逍遙保玉躬，杖朝如出畫圖中。大年讀易方尼父，叔世忘機學海翁。難得鳳毛能濟美，儼然漁叟唱收筒。華堂舞綵杯浮綠，天會羣仙此夜同。

### 林峰童年之作國畫展賦賀

似此天才究甚因，種梅放鶴信前身。雖無唐制應童試，自有心源運筆神。早向輞川師破墨，還於松雪得傳薪。春風浩蕩花如海，英發韶齡見幾人。



仲春之日約同邑多人東遊機上有作

回首鼇洋失舳艫，忽雲忽霧忽虛無。茫茫塵劫三千界，渺渺蜉蝣萬里途。此際容知天有主，眾生孰願世爲奴。窗前樽畔乘風客，幾正嫦娥入夢圖。

別府

朝別宮奇過大分，樓臺十里認紅塵。山環地獄騰煙處，流入蓮池洗劫身。一浴幾消名士氣，重來猶是老天眞。有緣更值櫻花豔，笑問荆妻那最颯。

日本以某地獄名其溫泉宮奇大分皆日本南部地名

瀨戶內海夜航

倚舷又賦放中流，楊柳依依去九州。此地江山無異樣，當年鼓角爲誰由。宵深正好談風月，客裏姑忘記敵仇。視昔視今波浪闊，何如魚酒學蘇遊。

世界第二次大戰時日本軍閥在此訓練海軍妄圖征服世界

山中湖

山光水色最流連，幾度緣慳見雪巔，忽爾雲開五合目，儼然鵬負大羅天。當無屹岫能齊極，只有虬松老並堅，點點花飛風漸暖，疎枝如染廣陵煙。

陳丈刼餘九秩癩降次韻奉壽

矍鑠眞應老馬看，湖山久歷愛春瀾，丹心一片存風雅，白髮三千拂雪殘。隔岸尋梅猶此易，他年成佛又何難。羨翁更奕綿綿葉，子子孫孫健翮搏。

港九敬老會會慶

天道本無窮，何時進大同。難逢此叔世，尚接古民風。老老昌仁孝，親親及曠聾。鑪峰多夕照，願與商山紅。

辛鵬九畫荷花水黽圖屬題

別有風華異眾芳，瑤池不住住橫塘，漫憐周後無人識，水黽猶來賞六郎。

邑會屬校師生暨邑彥書畫展忝任主理

一堂書畫屬尋常，豈敢文風話托揚。所願依仁邀月旦，何當錫我以圭璋。高軒枉駕如雲集，四壁增光正日長。此會雖慚多不備，寸心未肯負蠶鄉。

結縲四十周年示內

四十年來大夢同，相看時笑問何從。憂憂樂樂誰能免，役役營營幾枉工。此地但教容嘯傲，餘生所望託癡聾。燈前每共雜孫語，一樣童心願未窮。

競渡

爲接詩人節，瀛壖亦表忠。一流分上下，千槳決雌雄。中外羣龍集，風雲萬古同。信知能奪錦，端賴在和衷。

容丈漱石寫丹荔坵題祇寫團圓不寫愁七字見賜

祇寫團圓不寫愁，嶺南名實兩風流。丸丸入畫珊瑚似，葉葉成陰歲月稠。疑是尚書懷核意，可曾妃子笑樓頭。一枝慰我鄉心遠，每聽蟬聲興倍悠。

小山居士邀飲居可新館依韻酬之

喬木龍蔥起翠樓，一簾風月展清秋。榜書重認溫文節，壁畫猶存鄭克柔。莫爲塘西榮舊夢，且從山半瞰芳洲。年年願與姮娥約，萬頃波光匯眾流。

鄉先輩溫肅號文節清鄭變字克柔號板橋道人

從羅省至多城航機上懷大鈍社盟以大鈍卽有家移大洋洲之舉彼此行前曾敘月宮樓一三五常座同其政曉山家叔惠時子成方醫院養痾餘菴又渡假泰國未返茗畔風前倍添離會之感結社言詩共幾年，襟塵忽落兩雲邊，何時重會一三五，茗畔摩挲嶺雅篇。

途次大峽谷俯望

莽莽峯巒竟不毛，更無沼澤可漁陶，雲邊欲問天何意，似誠人間積孽高。



七夕在多城客寓

不見雙星會鵲橋，原來故里已明朝，嫦娥似解予懷杳，天際徘徊半帶嬌。

銘苑賞桂贈主人胡漢輝楊銘榴伉儷

蘭階馥郁接重陽，搖曳雲端幾傲霜。檻外天如連桂水，花間人共話蠶鄉。分明奕葉枝枝茂，益兆登科世世昌。何日高齊五百丈，金風吹送萬家香。

過聽曉山房寄趙大鈍并呈同座

相攜秋興過梅窩，落落山房對酒歌。節近重陽同醅酌，篇開嶺雅倍摩挲。主賢正許如彭澤，客遠偏懷至趙佗。遙想天涯朝與夕，微吟健步亦巖阿。

秋雨

菊酒萸囊幾夢過，每慚歲月任蹉跎。滿城況值稠風雨，斯世何如一笠蓑。畢竟乘桴誰從我，只堪補屋自牽蘿。晚晴若可西窗待，一榻殘書尚琢磨。

周千秋梁粲纓畫展馮平山圖書館

劍閣峨眉甫壯游，乘風又會月宮樓。攜歸連錦非凡響，笑問齊眉幾世修。八桂當年諧趙管，上庠今日記春秋。東球西壁天無界，三絕長爲萬國流。

趙大鈍寄自雪梨次韻答之

一別江樓幾夜潮，依稀如聽馬蕭蕭。暮雲春樹緣何遠，尺素雙魚幸未遙。異俗能諧當自在，奚囊所得定豐饒。海隅方惜黃花晚，正是桃源雪盡銷。

陳丈伯祺哲嗣肇炳病逝書此悼之

學仙學佛本隨參，麩蘖云何有太耽。方羨如同居洛下，豈期遽爾見優曇。灰飛葭管驚冬夜，天遣修文別海南。一卷趨庭堪啓後，地逢鯉也信無慚。

肇炳嗜酒能詩竟以酒戕其身乎遺著有趨庭集一卷

重遊西雅圖世運場館

江山無限起雲邊，舍路重來倏八年。往事如煙憑細認，長車橫市尚昂然。塔高似已欺吾老，地廣空留拔幟先。接歲羅城賡世運，依仁游藝定光前。

西雅圖前譯名舍路市內有駕空火車直達場館原為世運而設

雲高華觀音寺

蕭疎木葉此楓林，樓閣俄聞有聲音。世末誰於蠻貊地，燈前願起菩提心。無邊法力猶鞭石，千眼神威待布金。一念欲隨師尚老，幢幢旛影落征襟。

師先輩岑學呂先生晚耽禪悅隱居荃灣芙蓉山師尚山堂以遺餘年

雲高華訪蒼城別業

海上逍遙一畫翁，平生愛寫木棉紅。神揚春睡楓林外，堂額東臬花影中。矍鑠何殊濠鏡日，高情還並洛磯雄。天涯喜得萍緣會，坐接玄談拜下風。

奇翁於抗戰時隱居澳門講學

羊城白天鵝賓館夜坐同梁鏗齋陳秉昌

深宵有約共幽閑，百尺樓臺掩映間。頗惜駒光隨浪去，細聽船笛破煙還。漫天此際惟燈火，形勝何時換海山。回首當年餘幾識，一彎明月照吾顏。

登六榕寺花塔

蕭侯何在錫何存，南紀猶留一塔尊。師尚有聯容問跡，魯般無像欲尋原。憑高陡覺諸天近，感舊寧忘遍地喧。當日髯蘇題字後，可曾造極瞰祇園。

塔乃梁武帝大同年間刺史蕭裕為曇裕法師而建內奉魯般神像今已廢

張丹鄉大家約集清涼法苑

小寒次日同荆翁傅靜菴溫中行陳秉昌家叔惠諸子接半日之清談茹伊蒲於香積樂固可知更喜逢老尼淨根尼為同邑龍山賴氏細說苑業前乃革命先烈史堅如作密謀反清所在地

湘簾檀几有經傳，勝地還饒翰墨緣。法相但瞻曾出世，天涯不問未歸船。遙看杯石雲仍護，細嚼園蔬味亦全。更喜老尼鄰故里，低徊能說舊山川。



淺水灣漫步

日影沙光不異時，浸得但覺幾山移。飛樓有角崩雲石，複道無情壓樹枝。正羨豪門多逸興，忽憐寒鳥孰何之。老來漸倦尋游釣，好讓兒孫接力馳。

歲暮過花墟

花墟負手又殘年，似此流光頗惘然。去日如何歸眼底，故園消息近春天。羣芳滿待憐香客，斯世誰還惜杖錢。山下繁華奚所缺，老懷起落在吟邊。

元日

甲子一九八四年

七十九回甲子開，人生幾上此春臺。當年曾拙融梨讓，來日惟希晚菊栽。最喜萱闈天子健，未因菽水我無才。堂前膝下春盤後，北祝甘霖遍八咳。算上回甲子余方四歲

瓊華雅會同人招飲泰豐樓步蘇文擢韻

海隅逢甲子，高會約樓東。道說一元始，禪談五蘊空。圍燈多妙理，淺醉即詩翁。天運循環在，何時進大同。

海聲祠社二十周年社慶招飲紅寶石

拈韻分籌二十年，海涯難得此陶然。歲逢甲子人同壽，花展椒桃香滿天。舉盞還邀春夜月，回頭珍重舊時篇。良宵嘉會華燈下，彷彿蟾宮謫眾仙。

羅鶴鳴寫曹子建象屬題

心願有誰知，才高父亦疑。感甄徒作賦，煮豆迺成詩。莫補千秋恨，空誇八斗奇。可憐楊主簿，夢斷帝王師。

余綿生寫仙農圖屬題

葉令當年朝漢君，偶遺一鳥下鷗羣。仙禽不欲盟凡鳥，獨自江邊宿霧雲。

花朝甫過與同邑多人葵鄉之遊宿東湖賓館喜晤關山月畫師

一湖如鏡半橋霜，二月緋桃尚帶香。林外忽傳高士至，天南不讓北方強。亦書亦畫揚春睡，樹木樹人滿上庠。邂逅之緣皆宿分，何時重會白沙鄉。

### 茶菴

爲岡州叢林之一奉六祖惠能塑像樓觀參差有龍溪第一泉洗衲池

及陳澧遺墨刻石諸建置革命先烈陳少白先生墓附築於旁松林接天

禪宗哲烈並千年，春日登臨氣浩然。靈接南華三寶地，坊題東塾一瑤天。採風別有新茶舍，洗衲猶存古井邊。萬古長青松節下，飄飄如沐六朝煙。

### 叱石巖

側有小瀑布石上刻有一洗紅塵四大字亦岡州方外名勝之一

忽雲忽雨忽春風，古磴斜斜逼九重。如此湖山歸眼底，是何年代隱仙蹤。碑前細向乾嘉認，石上誰曾甲子逢。一洗紅塵君莫笑，萬千劫有未凋松。

### 輓黃君志鴻

君騷人也余曩誦春秋詩社集知其納交前輩已非一日惜沉痾疾輟吟多年乃壬戌夏得餘菴

□訊云其因遷居所積書千百卷不易俱往願讓同好余亦苦乏度藏之所乃建議移贈學舍旋得伯羽新安二兄之助果遂其志不意今春遽聞薤露之歌乃撫遺篇有不勝人琴之感也

海上神交片面慳，忽聞江夏鶴仙還，空教贈我書千卷，問字何由接夢間。

### 惜春

二月江南三月天，賣花聲裏憶芳年。凝妝未必非愁婦，一笑翻疑是謫仙。燕語鶯啼緣亦夢，詩情畫境雨和煙。老來畢竟心猶壯，未肯燈前鏡鬢邊。



宗文遜翁詩詞曲集讀後

海上陰晴四十年，愧吾今始誦君篇。當時采藥沿師道，異地乘桴倍鐵肩。起廢終成南北曲，攜孫漫譜鷓鴣天。清華水部如何繼，正羨先生富硯田。

鄭文春靈捲簾樓詩草附笏聲集讀後

三湘八桂記千旌，往事還餘幾老兵。髮短心長猶宿願，詩清酒濁尚豪情。從戎未負書生筆，惜玉終慳薄倖名。紀實之篇堪擬史，風前一展隱笏聲。

李震歐七一嶽降次韻奉壽

世系皇皇出伯陽，有緣喜共水雲鄉。錦山花畔方同醉，南極天邊又曜長。不上帝船傳斗酒，惟甘首菴主膠庠。詩壇更許雄毫素，深佩槎江多自強。

去國

悠悠父母邦，去去苦梯航。莫惜琵琶恨，應憐葛藟荒。浮雲千里遠，落日五更光。何以寬遊子，男兒志四方。

榴花

纔綠三春岸，又紅五月霞。原來安石國，幾賦大方家。照眼枝間子，撩人裙下花。九州勤灌溉，四季自繁華。

荷花生日

漫天暑氣欲燒人，何處花開不著塵。畫舫歌聲雖已遠，橫塘粉態料還新。未妨此日思君子，爭得餘年度刳身。十里香風如可夢，離支樹下共清晨。

容丈漱石寫丹荔繫句以贈伯羽大兄

海上飛神筆，虬珠入畫紅。蟬鳴如有意，細唱嶺南風。

題餘菴詩續

詩紹何羅學，美繼舊弓裘。秋陽與江漢，暴濯展春秋。病亦云天惠，一臥起滄洲。西北征塵逐，天地幾同愁。沃腸甘燕雪，何事復休休。師尚山堂過，退思終可求。知非仍有願，行健永無憂。新編今續舊，餘事倍風流。句得江山助，洋洋遍亞歐。西囊古羅馬，東袖小琉球。或登天都顛，神州盡眼收。或歸太艮峽，拏雲點石頭。夢裏猶笠屐，天涯亦鷺鷗。儒林容豹隱，叔世合桴浮。錦山繼蘭亭，九老與君儔。月宮譚天寶，一盞爲君留。君真忘機者，君真愛優游。

何氏六人書畫展迎幹寫梅花麗生蘭花鳳蓮紫菊翠竹叔惠幼惠先題余書此殿後

分得西湖水，種來東閣花，年年同老健，不必問仙槎。眾草曾爲伍，春風拂露華，隨緣幽谷住，奚必善人家。恐笑過明日，悠然愛紫霞，與松能爲友，歸去話桑麻。如此湘江玉，何時發筍芽，宛然林下韻，煙雨欲籠紗。

宗曼陶寫鳳城八景書此寄呈

絕藝能傳仗老成，功同再造只無聲。象生於意仍繩尺，法可通神起廢傾。文獻足徵欣在望，江山無限笑相迎。朝暉夕照猶今古，天與陶公一往情。

梁丈海天八艷初度次韻奉壽

松柏鬱蒼然，罇峰隱葛天。順時忘物換，居易待茶煎。更有鳴琴樂，了無別夢牽。年年千歲宴，醉滿洛陽篇。

文別署洛陽居士早歲游於齊白石趙少昂之門乃工書畫復耽詩學課徒之餘常操古琴自娛爲香海千歲宴多能會員

雷基磐自雲高華回同敘珍寶畫舫次韻奉酬

駑馬焉能伯樂遭，何當膠漆更分褒。十年已懶詩書讀，四體還虧耒耜操。有幸叨陪同落落，未妨相笑各勞勞。江天卻惜帆揚急，斗酒難留太白豪。



劉少蓀黃文達合作牡丹紅梅屬題

一株鄧尉一分陽，一幅春光兩國香。共沐天風曾六載，可因宿世慣千觴。同芳何必惟棠棣，抱節難逢並雪霜，花亦猶人相欲笑，半間齋上意飛揚。

中秋步顧植槐韻

依舊樓臺水一灣，漫愁秋氣換人間。心猶未止杯中物，月況能添醉裏顏。問世幾還思折桂，夢鄉時復話登山。姮娥似解離人意，故作多情眷宇寰。

蓮花山遊同穗垣諸甥孫輩

本名獅石位於珠江之口滄波浩淼乃有獅子洋名曩昔海盜出沒其間因而破壞天然建置

荒落遊人爲之裹足近者得當局規畫重修蓮花古塔亦賴何賢兄弟斥資鳩工恢復舊觀

朝別鵝潭去二沙，舊時碧海幾新槎。天長漸老琶洲塔，地廣頻安水上家。甲冑宮牆猶綠樹，風雲秋色近黃花。臨流互問來何願，欲到蓮峰采紫霞

前題

少日徒知山有名，輕颺舟楫等閒經。今摩蓮石搔頭白，始覺獅洋照眼青。寶塔新題家伯仲，虎門遙弔舊兵丁。飛榕峭壁仙橋畔，心逐雲流遠近亭。

中山大學六十周年校慶參加典禮後復觀人類學系文物館

歷判巒宮地幾遷，喜迎花甲紹遺篇。武林曾並開黃埔，文物分明到史前。上古猿人雄北域，中期石器起南天。一麻一粟艱難造，無限低徊仰昔賢。

先嚴棄養五十年慈命登昂平寶蓮禪寺禮聖一上人皈依報恩

中山大學前名廣東大學一九二四年與黃埔軍校同時創立成一文一武

少讀儒書愧未專，暮年歸佛復何緣。蓮山今日聞三昧，曹洞宗風接四傳。欲報親恩哀罔極，妄將法力問周全，餘生到此還如夢，鬢髯江天一葉船。

岱員橫貫公路

一別梨山十九年，重來相笑合歡前。軀頑誰復如神木，履險吾猶謝老天。盡日流雲過亂石，幾歌行路落征鞭。峰巒那處春常在，留得遊人作散仙。

溪頭

茂林深處路高低，鐵索浮橋渡古溪。兩岸明花依竹石，數聲寒鳥自東西。茶山經雨天收淚，日色無光客轉迷。忽覩童羣臨舞詠，教吾回顧到孩提。

日月潭

勝地有緣三度臨，一臨一記此潭深。春回夜午魚龍衍，影落天心日月沉。白鷺飛時生錦浪，彩雲凝處隱蕃音。中流兀立光華島，知否人間有苦吟。

阿里山

觀日樓登阿里山，星河雲海繞臺闌。舉頭陡覺摩霄易，待旦纔知治世難。高處欲聞仙樂韻，此時安得道家丹。茫茫宇宙原無禁，誰不清風兩袖還。

羅鶴鳴寫銀鑲灣瀑布爲泉齋題

珠飛玉濺好生涼，日午雲深翠蓋長，疑是仙蹤疑是夢，不知身入白銀鄉。

題梅港新聲

溫厚和平正本源，喜聯聲氣接南園。香欺雪白神猶壯，字寫宜春雅復存。自是文章宗哲匠，更將心力振軒轅。流風若可沿真率，高會還開九老尊。

歲除

客老鰲洋四十年，銀缸照讀幾殘篇。星寒每切懷歸夢，酒熱翻教欲學仙。畧憶童時催臘鼓，可勝往事覺春煙。一盃清濁常珍重，猶記綢繆壓歲錢。



乙丑迎年

一九八五年

一年容易又從頭，柏綠椒紅亂老眸。去日不驚蛇與鼠，當前安問馬和牛。儘教春酒無新計，尚有詩囊備壯遊。更願所需非藥物，好花常伴讀書樓。

題吳千山黃山雪霽圖

吾邑重耕織，書香亦世途。雪聲臨大節，棲壑坐禪蒲。北田盟五子，言志共一爐。二樵更三絕，墨餘烏峰模。六朋與仁山，畫怪稱二蘇。復有溫菊叟，丹青佐苦茶。近者梁伯譽，海隅滿生徒。典型在宿昔，開來安可無。今也，水藤有佳士，六法繼前謨。遠宗吳道子，近枝接缶廬。刻意在山水，間而點花鬚。蓮峰力三上，凌雲冒雪登天都。仰視茫無極，俯瞰失平蕪。胸既羅丘壑，韻則異林逋。奮筆師造化，豈是尋常塗。君不見嘉陵江長卷，三百餘里寫舳舻。又不見龍溪老人，萬里尋師春夏秋冬一巨圖。與斯成鼎足，難分大小巫。以之比長城，直可卻匈奴。

余綿生寫十二鴛鴦圖屬題

湖光綠漲柳初長，岸芷汀蘭好集翔。沙宿雲飛春嫵媚，毛紅鬣翠水中央。逍遙豈讓神仙樂，嬉戲常尋菡萏香。是喜是憂皆耦影，人間底事怨斜陽。

題麥慶展墨蝦

何時謫世出龍宮，尚帶龍頭四海通。八面威儀鬚過尺，周身膽畧目重瞳。稱雄無意欺魚鱗，好躍分明任雨風。衣甲偶然呈五色，可曾沼澤作元戎。

鬱雷林民恩李大任吳晴波張漢鴻胡仿石梁頌君七人畫展

喜見竹林數，薪傳本六書。成文形日月，依類象舟車。入妙詩無敵，生香墨有餘。江山同放眼，宛逐武陵漁。

大洋洲遊同同邑十八人專程參觀順德龍舟隊代表中國在雪梨市參加國際龍舟邀請賽順道觀光各地名勝

抵雪梨國際機場

香江春色柳初稠，一覺雲邊忽換秋。窗外金光天際起，眼前景物管中收。乍疑灣泊盃盃水，細看城闌簇簇樓。我亦如隨霜葉下，異邦驚喜幾回頭。

順德隊揚威異域掄元國際龍舟

豈爲湘江吊，揚華自足珍。黃龍猶古意，碧眼亦精神。旗鼓動天地，雌雄決海濱。何須重甲乙，友道勝先人。

晤趙大鈍雪梨灣畔原約遊藍山巖洞諸勝路遠不果

纔惠數行文，天涯又會君。長橋通沃野，樂府接行雲。異客知何似，詩懷信倍醺。藍山成咫尺，臨別兩殷殷。

黃金海岸

海曰黃金未免癡，風光卻似威基基。有沙皆白得天厚，無浪不銀落日遲。近水樓臺能幾有，揚帆舟楫欲何之。相逢多是萍蹤客，行樂誰當最及時。

大力牧羊場距坎培拉不遠爲國會大廈所在各國使館林立場主乃牧羊世家

萬國衣冠互接疆，鄰居竟有牧羊場。羣山業繼三傳遠，雙犬雄當一將強。能否補牢無晚計，可曾叱石望仙鄉。主人信是知天者，神采飛揚兩鬢霜。

墨爾本唐人街南番順會館門深鎖問其鄰曰闔者病矣乃低徊而去

萬里初行袋鼠邦，喜看僑士落遐方。既憑篤敬開天地，所業生涯盡壽康。木本不忘三邑遠，酒旗相映一街光。匆匆惜乏登樓約，未與羣公話梓桑。



素維倫山淘金場遺址建置猶存赫然關羽古廟同在前人稱澳洲爲新金山者信指此也  
誰記吾僑往事艱，汗流奚讓舊金山。當年幾欲圓閩願，好夢偏教裏革還。一廟神明煙寂寂，  
千尋井隧跡斑斑。空餘塵妄游童過，戲水淘沙興未閑。

蘋果園

何時名禁果，此地卻無防。帶露枝多子，含風葉尚蒼。既堪師陸續，復可擲潘郎。爲甚寶山  
入，而忘采一筐。

母親節

齋沐焚香愧未能，且從兒女學流行。問餘儘有曾元酒，請遺何如考叔羹。尚喜萱闈鳩杖健，  
卻憐荆室鬢華生。堂前諸媳都爲母，孝道憑誰得漸宏。

廣普上人騰光上人願炯上人約集妙香林素食館時夏至後十日廣普俗姓霍世居桂洲有同  
鄉之誼同座黃文維瑁陳文荆鴻夫婦溫中行梁耀明蘇文擢陳秉昌柯文遠家懷庸叔惠幼惠  
暨鳳山藝文院學員又佛門弟子多人

結習難除愧此心，因緣尚許拜緇林。頤神豈止伊蒲饌，悅耳還多金玉音。大德耆年儒亦佛，  
墨華禪味古而今。相逢信是皆隨喜，香積何時得再尋。

傅靜菴回居穗垣賦此贈別

海角沉冥賴正聲，乍聞歸臥趙佗城。青山歷歷如何別，嶺雅源源況待評。回首渾難歌折柳，  
臨風忽與羨行旌。人生貴得隨來去，到處琴樽就晚晴。

題盧警雁藝文集

夙羨家聲大雅多，遠宗唐韻有茶歌。詩存箴世光潛德，字寫蟠龍奮擊窠。幾度錦山同禊集，  
百年人事論銷磨。岡州風月歸何日，願與匡門弔逝波。

盧君原籍新會海隅籌算多年公餘廣結  
文侶詩儔

瑞蓮圖爲家叔惠題叔惠爲水藤望族伯父國澄公進士國澧公翰林院編修父國溥公茂才

休徵嘉瑞，悠然粉鄉。廬江古道，土沃風良。塘砌玉石，漣漪中央。詩樂泮水，畫隱蘭艘。歲時淨植，萑菑之常。花開並蒂，乃兆文昌。天道福善，降之百祥。縣縣瓜瓞，起鳳騰驤。棠棣競秀，翰院名揚。光前垂後，史冊昭彰。叨屬宗末，展卷洋洋。甚時歸權，得拜芬香。

讀鄉先輩岑雲先生柳廬詩鈔暨哲嗣岑光樾太史鶴禪集後

如玉如金作述篇，故園喬木宛風前。千秋共許無虛筆，一脈相承有象賢。似見雍容猶杖履，漫憐清淺幾桑田。近聞邑士倡修志，不朽文章自倍妍。

雨花寺

寺爲清初丹霞山別傳寺澹歸禪師弟子古止和尚所建山門有師尚老人書止水明如鏡好山青到門十字寺後小沙浮岡相去不遠處有有明高士何不偕先生墓日久已失於此荒煙蔓草之間惟詢諸老衲即會同往細辨遺跡約畧可尋是吾邑容山勝境之一也

山門榜句認岑翁，細雨沙浮若畫中。荒徑雖迷高士墓，老僧能指舊時蹤。藩侵秋色悔歸晚，碑撫前朝恨眼濛。新補梅花香有待，何時蘭若復詩風。

夢還故居

一井唯存認故家，心同秋雨亂如麻。遙瞻塔影相無語，空記牆陰曾種瓜。流水有情環古岸，晚林何處待歸鴉，鍼鈎紙局依稀是，不盡橋邊野草花。

孔聖降生二千五百三十六年邑會屬校同人祝聖大會設大成宴步同座蘇文擢韻

海角由來重富豪，誰能一字看榮褒。且將禮樂傳當世，好正衣冠拂弁髦。洙泗光騰齊宇大，青雲遠接又秋高。儒風有教從無類，不管粉鄉與市曹。

香海千歲宴三十周年雅集國賓酒店



纔送秋花落帽筵，又逢佳日會羣仙。古風齊唱岡陵頌，逸興還歌酒德篇。壽世文章光滿座，香山餘韻喜聯翩。蟠桃歲歲來東海，笑我遲嘗廿九年。

黃碩瑜畫展黃君乃多城嘉華畫廊主人

筆濡尼瀑水，墨灑洛磯山。入妙一囊滿，乘風萬里還。東籬同綻彩，藝苑共怡顏。彷彿春將近，雲林掩映間。

黃鶴樓

重建於一九八四年落成之日董事諸公從歷代名家題詠選輯一百零三首編成黃鶴樓詩詞選一卷見寄乃集唐白居易黃鶴樓宴罷同望宋戴復古鄂渚煙波亭清熊賜履黃鶴樓宋游伯莊黃鶴樓清吳綺黃鶴樓清黃景仁黃鶴樓明楊基黃鶴樓看雪元丁鶴年黃鶴樓喜成一律回寄紅葉林籠鸚鵡洲，古今無盡大江流。魚龍出沒千峰亂，城郭相望萬景收。霞表仙蹤疑遠鶴，十年清夢繞茲樓。人間何處稱奇絕，河漢低垂地欲浮。

鳳山藝文院創立十周年師生作品展

啓後承先硯日深，十年桃李喜成林。銀鈞金榜鶴堪換，玉葉瓊枝露欲侵。飛草都呈春雨勢，通靈如繫白雲心。以刀爲筆還撫漢，鳳嶺流風耀古今。

歲暮回里途次中山小欖小駐贈宗人仰鎬

遍地傲霜英，依依別菊城。煙墩聳塔影，驛路逐車聲。田野閒耕耨，村莊有送迎。嫁奩過隊隊，古禮復承平。小欖多植菊有菊城雅譽煙墩山名山上有塔

惠州西湖

玉塔靈光老愈強，悠悠天地出尋常。風華不讓三潭美，草色猶爲一冢香。九曲橋頭通古岸，六如亭外挂斜陽。似曾相識蘇隄畔，倍羨湖山日月長。

羅浮

夙與孤山有並妍，南枝初見占春先。六朝文物開仙府，四百峰巒插大千。鳥語泉聲環竹石。藥池丹竈臥雲煙。前賢當日行吟處，來去西樵任自然。

乙丑餞臘

天涯幾度歲寒心，夢裏如聞臘鼓音。去日儘多隨俗意，興懷依舊愛清吟。送窮賣懶癡難絕。待曙傾壺願可尋。今夜月宮樓上坐，明朝又約會春林。

丙寅春仲趙威大鈍旋港復回雪梨餞別鳳城酒家同座黃文維瑁荆翁夫婦鄭文春靈吳天任

梁耀明梁其政陳秉昌潘新安羅鶴鳴

一九八六年

節近花朝暖海城，歸來燕子兩分明。重逢酒畔存知己，未覺天涯負老兵。一笑容多蠻貊事，滿懷猶是故園情。羨君夙習浮雲意，指日乘風又錦旌。

禺山沙灣何氏大宗祠留耕堂重脩落成

域祖開宗日月長，忠貞僕射遠流香。家聲豈止昌三鳳，支派還教衍五羊。坐擁禺山增瑞氣，絲垂世澤篤倫常。白沙椽筆欣重覩，四海油然愛國鄉。

留耕堂匾額三大字乃新會白沙陳先生書題毀而復得

陳文幹鄉以珍藏古本西廂記賜讀

到老隨參佛與儒，詩翁賜誦一奇書。書中欲問人何往，世上信多命亦如。是劫是緣皆宿分，非真非幻盡玄虛。由來恨海茫無際，底事神仙每謫居。

夏日風光

夏日炎炎倦讀書，輕衫閒步且觀魚。參差萍點橫塘綠，澹蕩雲深故國居。轉眼流光圓玉荔，接天翠蓋又芙蕖。風來驟灑絲絲雨，幸喜歸途有客車。

賞硯



文房有四寶，誰者最足道。蠶繭封楮公，生幸已秦火。辟蠹無芸香，蔡侯亦徒造。或愛管城子。揮灑抒襟抱。幾見夢生花，多半勞草草。或喜松使者，罔知近朱好。由來珠麝品，晚節渾難保。奚若石一方，質樸而不藻。與玉出端溪，與芝生蓬島。與金同其堅，與天同其老。既堪佐耕讀，十載過寒燠。復可戲魚龍，一池雲朵朵。用之則以行，藏之無不可。古有好硯者，成癖到髮皓。偶得一奇逢，輒云從天禱。石本不能言，信之其在我。安得我如之，笑口常靜坐。安得我如之，無欲無煩惱。

月宮樓午敘同黎丈心齋汪丈孝博高丈伯雨鄭丈春霖潘丈碧泉暨梁其政潘小磐許衍董羅鶴鳴家曼菴叔惠諸子

環座有儒名，何妨我白丁。隨緣從麗澤，回首話蘭亭。世事花間蝶，人生水上萍。漫憐春已去，茗畔正溫馨。

穗港澳九十四名家畫展觀後與趙師少昂梁鏗齋羅鶴鳴於食爲先菜館接會展出者黎丈雄才劉丈崙暨陳子毅楊之光黃安仁單柏欽趙世光李汎萍諸子

嶺南一脈匯三江，九四時賢畫滿堂。如入層雲凌絕頂，還叨末座炙餘光。喜聯聲氣來羊石，難得嚶鳴復李唐。門外忽飄紅荔雨，倍添藝海播芬芳。

南韓東方文化研究院院長宋昌基蒞港游南了島同劉少蓀林湖奎家麗生

江上一扁舟，茫然萬頃秋。垂綸釣落日，飛楫破橫流。莫問峰巒遠，且同天地浮。西風長屬我，甘願作沙鷗。

耀光宗丈八髯壽慶步韻奉賀

雲水有情任去留，鐘峰鯉峽自春秋。緣隨世運開天地，書著黎明付唱酬。既列象賢承至樂，還多燕翼裕詒謀。木公金母箕疇備，祇爲蒼生偶一憂。

丈晚年築室藏書顏曰至樂樓著黎明集一卷以自志行述垂範子孫

美加第十行八首

重陽佳節雲高華，偕內會蒼城。司徒奇乃鍾喬梓，明夷學社高澤浦。楊舜文關少石，伉儷暨同邑。何輝伉儷胡經世，伉儷小姨吳慧明。於福臨門酒家。

有緣萍會飛沙河，客裏剛逢九日過。歲序儘隨天漸老，樽前難得話偏多。龍山落帽情猶遠，楓國浮桴韻足歌。畫伯詩翁環左右，一堂藹藹沐春和。

維多利亞市重游拔卓特花園原址爲石礦場

鞭石當年命百工，還將餘力拓芳叢。順天因地之爲利，流水高山自不同。歷歷曾過啼鳥處，茫茫重會落花中。西風吹得游人醉，爲有霜林晚愈紅。

京士頓登亨利古堡

秋氣蕭森上古城，戍樓雉堞看分明。安湖浩瀚長流水，往事浮沉幾閱兵。頗羨將軍當日勇，卻驚銅砲指天鳴。登臨寄語開來者，足食於民自太平。

訪白求恩醫生故居

楓飛宅畔樹多枯，曾發奇才出大夫。兩歷刀兵甘犯難，豈千名利始懸壺。空留俠骨埋中土，只賸衣冠對小湖。一榻琴書笳笛韻，夜深可有鬼歸呼。

暮秋之望觀尼加拉大瀑

萬馬奔騰勢若同，天垂白練月明中。乍疑仙女三分意，貪看人間一代雄。縹緲不知誰是界，迷濛彌覺世無窮。關邊多少癡情客，坐對飛流到日東。

士嘉堡會鄺譔伍彞生於龍騰閣酒家復訪愛健會音樂部同賞粵曲演奏因晤音樂界名宿盧

漢忠鄭重周等

秋暮天涯氣尚溫，故知邂逅事堪珍。臨風細味他鄉水，搔首相憐白髮人。卻喜琴聲能播遠。



還同翰墨可傳薪。久聞愛健行楓國，一曲聽來倍滌塵。

羅省於四兒家

三載重來笑夢如，小橋流水認夷居。門前遠近仍花草，眼底光陰逐馬車。所願媳兒安異國，了無烽火亦家書。天涯難得倫常樂，連夕盃盤況有魚。

柔森美國立公園

深谷長天路百彎，峰巒雲列像仙班。千千萬萬松成國，暮暮朝朝水出山。偶見金飄霜葉落，乍疑虎視石頭頑。溪流高處湖如鏡，似得桃源任往還。

漆園鄉宗丈遺作展

室築怡萱顯立身，桂香鄒魯復興仁。功齊六籍傳心法，教重三餘貴日新。一脈天風流萬國，滿堂逸氣出同神。開來繼往千秋業，美學能揚慶樹人。

丈早年在穗建怡萱小築奉母燕居晚年授業香江號桂香閣主人組美學會

輓鄉丈周益伯

秋深野草尚青青，忽報龍山隕極星。杖國杖朝方處樂，成仙成佛遽爲靈。越裳追念浮萍日，海角猶留伐木聲。幾頁遺篇存拾翠，空餘壯日渡南鈴。

丈原籍龍山壯歲遠適越南講學晚年歸隱香江著述中有拾翠軒藝文集一卷

黎丈心齋新居飛龍臺招宴太史龔同座陳丈荆鴻伉儷劉丈少旅鄭丈春霆梁鏗齋伉儷梁蔚熙  
梁永熙等

燈火萬家中，臺高倚碧空。近山藏古廟，入室有蘭風。雅會當良夜，淺斟亦醉翁。宛然歸栗里，飽德共籬東。

歸里偕內與長兒媳孫輩

菜嫩魚肥米酒香，已涼天氣好還鄉。比鄰瓦屋環蕉蔗，跨海虹橋利客商。似水悠悠心益遠，如雲冉冉世方昌。祖耕父讀當年地，細與兒孫話夕陽。

丁卯獻歲

一九八七年

春風拂荻簾，萱草又籌添。更喜兒孫長，不求魚掌兼。鳥鳴聲處處，物待雨纖纖。寰宇消乖戾，豐年可預占。

輓鄉丈胡景石丈於一九八七年二月八日壽終澳門鏡湖醫院

丈乃法律界前輩壯歲宦游晚隱濠鏡以吟詠自娛客臘於病榻中猶寄示饒歲詩乙章客臘聯吟墨尚新，未因偶恙損風神。如來故里梅花訊，坐想當年宦海身。不意春回方幾日，便傳鶴引杳微塵。滿城煙火迷茫外，遙望濠江哭哲人。

順德聯誼總會四十周年會慶呂彥暨各屬校師生書畫展於香港大會堂藝術館

海角嚶鳴四十年，每從佳日會群仙。彰彰文物賡餘韻，歷歷鄉音播大千。勸學明倫循所自，依仁游藝又聯翩。笑吾借得春風便，欲以雕蟲引錦箋。

胡藻斌鄉先生遺作展

以畫虎知名曾參與抗日宣傳工作不屈於敵而死世事滄桑夫人伍惠珍終能承志并為輯集逸筆嘯山君，飄然思不羣。功同張善子，勇並李將軍。叱吒風雲變，喑鳴日月曛。當年能有幾，取義建奇勳。

陳丈荆鴻榮獲英廷榮譽獎章步盧聲雁韻奉賀

家學淵源數雪聲，曾投史筆為扶傾。憑將獨漉詩箋在，猶記匡門血浪驚。中外同欽當有自，絃歌不輟尚餘情。江山代有才人出，三百年來享大名。

母親節步張江美韻

萱草康強謝老天，甫同李密祖劉年。興懷卻漸西山感，負米彌輪季路肩。所願北堂俱日永，每逢佳節順時遷。清和景色黃梅雨，法海慈航正萬千。



廣州梅花港詩書社叢林消夏雅集吳子玉爲光孝寺寫風幡圖屬題并序

六祖惠能俗姓盧原籍新州即今之廣東省新興縣人三歲喪父家貧失學及長鬻薪奉母一日忽聞客誦經大悟遂辭母北遊黃梅山禮五祖弘忍爲師當苦行行者竟以菩提本無樹明鏡亦非臺本來無一物何處惹塵埃一偈爲師默許因三更入丈室接受衣鉢即渡庾嶺南回至廣州法性寺即今之光孝寺時印宗上人方說涅槃經論風幡之動不能決惠能進曰非風非幡仁者心動一座盡驚延之上座惠能出示衣鉢於公元六百七十六年唐高宗儀鳳元年

薙髮菩提樹下開東山法門派衍南宗

樹鏡俱非己，風幡論動時。三更曾入室，一座又驚奇。仁者心何似，眾生願了知。東山弘法乳，千載任星移。

容奇詩社周年社慶未克躬逢其盛

人傑地靈起兩山，北臨得勝彩雲間。支分桂水流餘韻，海角棲遲幾夢還。

容奇鎮有容山奇山得勝河名

林丈復生九艷壽慶依韻奉賀是日雙星節

黃耆無疆老愈強，如松如柏並凌霜。郝隆腹曬中庭日，郭令堂開萬壽觴。星曜長庚花獻瑞，詩揚雅韻墨流香。聖門曾問禮之本，自是家聲慶永昌。

張江美七艷晉四次韻奉壽

海屋添籌值閏年，正應北斗耀南天。任從鵬展雲煙外，未若襟題詩酒前。偶會鳧鷗三五五，翩聯裙屐萬千千。祝君今又懸弧旦，歲歲華堂氣浩然。

秋意

知常知足道無窮，逆旅蜉蝣孰最工。一夜江天橫露白，千山草木染霜紅。羈人幾斷三更夢，陣雁方乘五嶺風。永叔當年讀書處，聞聲信是古今同。